

十八家詩鈔

十八家詩鈔卷十六目錄

黃山谷七古百六十五首

送范德孺知慶州

次韻李之純少監惠硯

次韻子瞻題郭熙畫秋山

詠李伯時摹韓幹三馬次蘇子由韻簡伯時兼寄李德素

次韻子瞻和子由觀韓幹馬因論伯時畫天馬

次韻錢穆父贈松扇

戲和文潛謝穆父松扇

次韻王炳之惠玉板紙

十八家詩
卷十六
送王郎

送鄭彥能宣德知福昌縣

雙井茶送子瞻

和答子瞻

子瞻以子夏邱明見戲聊復戲答

省中烹茶懷子瞻用前韻

以雙井茶送孔常父

常父答詩有煎點徑須煩綠珠之句復次韻戲答

戲呈孔毅父

謝黃從善司業寄惠山泉

以團茶洮州綠石研贈無咎文潛

次韻答曹子方雜言

次韻子瞻武昌西山

謝送礪賜壑源揀芽

以小團龍及半挺贈無咎竝詩用前韻爲戲

送謝公定作竟陵主簿

贈送張叔和

僧景宗相訪寄法王航禪師

謝王仲至惠洮州礪石黃玉印材

次韻子瞻詠好頭赤圖

觀伯時畫馬

記夢

次韻子瞻送李豸

次韻子瞻寄眉山王宣義

聽宋宗儒摘阮歌

博士王揚休碾密雲龍同事十三人飲之戲作

答黃冕仲索煎雙井竝簡揚休

再答冕仲

戲答陳元興

再答元興

演雅

戲答趙伯充勸莫學書及爲席子澤解嘲

戲書秦少游壁

送少章從翰林蘇公餘杭

便糴王丞送碧香酒用子瞻韻戲贈鄭彥能

戲和答禽語

謝景叔惠冬笋雍酥水梨三物

再答景叔

出城送客過故人東平侯趙景珍墓

題也足軒

送石長卿太學秋補

次韻黃斌老所畫橫竹

戲詠子舟畫兩竹兩鸛鵒

題榮州祖元大師此君軒

青神縣尉廳葺城頭舊屋作借景亭下瞰史家園水竹終
日寂然了無人迹又當大木綠陰之間戲作長句奉呈

信孺明府介卿少府

戲贈家安國

和王觀復洪駒父謁陳無己長句

王充道送水仙花五十枝欣然會心爲之作詠

庭堅以去歲九月至鄂登南樓歎其制作之美成長句久
欲寄遠因循至今書呈公悅

題蓮華寺

送密老住五峯

武昌松風閣

次韻文潛

次韻元實病目

花光仲仁出秦蘇詩卷思兩國士不可復見開卷絕歎因
花光爲我作梅數枝及畫煙外遠山追少游韻記卷末
書磨崖碑後

太平寺慈民閣

題淡山巖二首

明遠庵

戲答歐陽誠發奉議謝予送茶歌

和范信中寓居崇寧遇雨二首

清江引

還家呈伯氏

流民歎

次韻答張沙河

古風次韻答初和甫二首

次韻答和甫盧泉水三首

贈趙言

次韻晁補之廖正一贈答詩

再次韻呈廖明畧

走答明畧適堯民來相約奉謁故篇末及之

答明畧並寄無咎

再次韻呈明畧並寄無咎

再答明畧二首

次韻謝子高讀淵明傳

次韻孔著作早行

次韻無咎闔子常攜琴入村

贈張仲謀

送薛樂道知鄖鄉

對酒歌答謝公靜

戲贈彥深

和謝公定征南謠

和答梅子明王揚休點密雲龍

送劉道純

次韻子瞻春菜

六舅以詩來覓銅犀用長句持送舅氏學古之餘復味禪

說故篇末及之

次韻子瞻與舒堯文禱雪霧豬泉倡和

答王道濟寺丞觀許道寧山水圖

聽崇德君鼓琴

次韻答楊子聞見贈

答永新宗令寄石耳

寄張宜父

高至言築亭於家圃以奉親總其觀覽之富命曰溪亭乞

余賦詩余先君之敝廬望高子所築不過十牛鳴爾故

余未嘗登臨而得其勝處

彫陂

上權郡孫承議

奉答茂衡惠紙長句

長句謝陳適用惠送吳南雄所贈紙

和答師厚黃連橋壞大木亦爲秋雹所碎之作

上大蒙籠

追憶子泊舟西江事次韻

次韻郭明叔長歌

奉送時中攝東曹獄掾

次韻和答孔毅甫

更用舊韻寄孔毅甫

寄題安福李令愛竹堂

八月十四日夜刀坑口對月奉寄王子難子聞適用

贈王環中

戲和于寺丞乞王醕老米

謝文灝元豐上文藻

寄朱樂仲

次韻子瞻書黃庭經尾付蹇道士

送曹子方福建路運判兼簡運使張仲謀

戲贈曹子方家鳳兒

題韋偃馬

和曹子方雜言

送張材翁赴秦簽

送呂知常赴太和丞

老杜浣花谿圖引

奉謝劉景文送團茶

謝景文惠浩然所作廷珪墨

贈陳師道

戲答仇夢得承制

和任夫人悟道

雜言贈羅茂衡

渡河

玉京軒

宮亭湖

阻水泊舟竹山下

別蔣穎叔

書石牛溪旁大石上

何氏悅亭詠柏

薄薄酒二章

巖下放言五首

題章和甫釣亭放言

贈元發弟放言

二十八宿歌贈別無咎

壽聖觀道士黃至明開小隱軒太守徐公爲題曰快軒庭
堅集句詠之

再和公擇舅氏雜言

奉送周元翁鎖吉州司法廳赴禮部試

送昌上座歸成都

題杜槃澗叟冥鴻亭

臨河道中

伯時彭蠡春牧圖

觀劉永年團練畫角鷹

戲用題元上人此君軒詩韻奉答周彥公起予之作病眼
皆花何不及律書不成字

元師自榮州來追送予於瀘之江安綿水驛因復用舊所
賦此君軒詩韻贈之竝簡元師從弟周彥公

十八家詩鈔卷十六目錄

善化黃維申襄校

十八家詩鈔卷十六

湘鄉曾國藩纂

合肥李鴻章審訂

東湖王定安校

黃山谷七古百六十五首

送范德孺知慶州

德孺名純粹元豐八年八月除知慶州山谷以次年春爲此詩贈之

乃翁知國如知兵

乃翁謂范文正公

塞垣草木識威名。敵人開戶玩處

女掩耳不及驚雷。

還平生端有活國計。百不一試薶九京。阿兄

兩持慶州節。

阿兄謂忠宣公純仁也

十年麒麟地上行。潭潭大度如臥虎。

邊人耕桑長兒女。折衝千里雖有餘。論道經邦政要渠。妙年出

補父兄處。公自才力應時須。春風旂旂擁萬夫。幕下諸將思草

枯。智名勇功不入眼。可用折箠笞羌胡。

次韻李之純少監惠硯

黃公山下黃雞秋持節卹州曾少休小人負弩得開道掃葉張

飲林巖幽

汝州葉縣有黃公山山谷熙甯間嘗爲葉縣尉當迎候之純也

相傳有石非地產列

仙持來自羅浮酒酣步出雲雨上南撫方城西嵩邱林端乃見

石空洞猛獸異鳳踞上頭

猛獸異鳳借以言石之狀

鳥道遠謀挽致萬牛

不動五丁愁道家蓬萊見仙伯我亦洗滌與清流探囊贈研頗

宜墨近出黃山非遠求乃知此山自才美物欲致用當窮搜迷

邦故令成器晚不琢元非匠石羞

仙伯謂李之純蓬萊謂見李於京師也與清流者山谷以

哲宗初除館職也黃山卽黃公山謂前此見石不知其可爲硯材

次韻子瞻題郭熙畫秋山

黃州逐客未賜環江南江北飽看山玉堂臥對郭熙畫發興已
在青林閒郭熙官畫但荒遠短紙曲折開秋晚江村煙外雨腳
明歸鴈行邊餘煙坐思黃甘洞庭霜恨身不如鴈隨陽熙今
頭白有眼力尙能弄筆映窗光畫取江南好風日慰此將衰鏡
中髮但熙肯畫寬作程十日五日一水石

詠李伯時摹韓幹三馬次蘇子由韻簡伯時兼寄李德素

太史瑣窗雲雨垂

太史當謂子由作起居郎左史之任雲雨垂謂如在天上也

試開三馬拂

蛛絲李侯寫影韓幹墨自有筆如沙畫雖絕塵超日精爽緊若

失其一望路馳馬官不語臂指揮乃知仗下非新羈

二句言其馴伏如此

必非新自吾嘗覽觀在垆馬驚駘成列無權奇緬懷胡沙英妙

西極來者

詩少

卷

七

黃庭堅

二

質一雄可將千。萬雌決非廐養所成就天驥生駒人得之詩意

若曰老於中朝之士與來自釣築者其英傑之氣固自不同如仗下馬與渥洼之驥也千金市骨今何有

士或不價五殺皮。言五殺皮已自輕其身矣李侯畫隱百僚底

初不自期人誤知。戲弄丹青聊卒歲身如閼世老禪師

次韻子瞻和子由觀韓幹馬因論伯時畫天馬

于闐花驄龍八尺看雲不受絡頭絲。西河驄作蒲萄錦雙瞳夾

鏡耳卓錫長楸落日試天步。知有四極無由馳電行山立氣深

穩可耐珠韉白玉羈。李侯一顧歎絕足領略古法生新奇一日

真龍入圖畫在坰羣雄望風雌曹霸弟子沙苑丞。喜作肥馬人

笑之李侯論幹獨不爾。妙畫骨相遺毛皮翰林評書乃如此賤

肥瘠瘦梁未知翰林謂東坡也坡詩云少陵評幹不盡骨李侯亦不以爲惡況我平生賞神俊一作僧中云是道林師

次韻錢穆父贈松扇

銀鈎玉唾明繭紙

銀鈎字也玉唾詩也

松筵輕涼竝送似可憐遠度幘清

婁幘滿婁高麗城名

適堪今時襍穢子

襍穢謂不曉事人丈人玉立氣

高寒三韓持節見神山合得安期不死草使我蟬蛻塵埃間

戲和文潛謝穆父松扇

猩毛束筆魚網紙

山谷有猩毛筆詩蓋亦穆父高麗所得

松村織扇清相似動搖

懷袖風雨來想見僧前落松子張侯哦詩松韻寒六月火雲蒸

肉山

文潛體肥故有肉山之識

持贈小君聊一笑不須射雉殼黃閒

黃閒聲名

次韻王炳之惠玉板紙

王侯須若緣坡竹。哦詩清風起空谷。古田小牋惠我百。古田隸福州

信知溪翁能解玉。鳴礮千杵動秋山。裏糧萬里來。輦轂儒林丈

人有蘇公相如子。雲再生蜀往時翰。墨頗橫流此公歸。來有邊

幅小楷多傳樂毅論。高詞欲奏雲門曲。不持歸掃蘇公門。乃令

小人今拜辱。去騷甚遠文氣卑。畫虎不成書勢俗。董狐南史一

筆無誤掌殺青。司記錄。此二句山谷時爲史官自謙云爾雖然此中有公議。或

辱五鼎榮半菽。願公進德使見書。不敢求君米千斛。

送王郎

王純亮字世淵山谷之妹婿

酌君以蒲城桑落之酒。泛君以湘纍秋菊之英。贈君以黟川點

漆之墨送君以陽關墮淚之聲酒澆胸中之磊隗矻矻短世之
頽齡墨以傳千古文章之印歌以寫一家兄弟之情江山萬里
頭俱白骨肉十年眼終青連牀夜語雞戒曉書囊無底談未了
有功翰墨乃如此何恨遠別音書少炊沙作糜終不飽鏤冰文
章費工巧要須心地收汗馬孔孟行世日杲杲戰勝胸中謂道義
乃曉然見聖賢用心處有弟有弟力持家婦能養姑供珍鮮兒大詩書女
絲麻公但讀書養春茶

送鄭彥能宣德知福昌縣

往時河北盜橫行白晝驅人取

一作入

城郭唯聞不犯鄭冠氏冠氏

縣屬大名府鄭由冠氏遷福昌故稱之曰鄭冠氏猶稱王犬臥
元之日王黃州稱范德儒曰慶州稱孫實曰孫陽翟耳
十八家詩少
卷十六
七古
黃庭堅
四

不驚民氣樂祇今。化民作鋤耰田舍老翁百不憂。銅章去作福昌縣。山中讀書民有秋。福昌愛民如父母。當官不擾萬事舉。用才之地要得人。眼中虛席十四五。不知諸公用心許。魯恭卓茂可人否。

雙井茶送子瞻

雙井在洪州分甯縣山谷所居也

人間風日不到處。天上玉堂森寶書。想見東坡舊居士。揮毫百斛瀉明珠。我家江南摘雲腴。落磑霏霏雪不如。爲公喚起黃州夢。獨載扁舟向五湖。

和答子瞻

一月空回長者車。報人閒疾遣兒書。

山谷時病目故云

翰林貽我東南

句東坡謝山谷餽茶詩云窗閑默坐得玄珠故園溪友膾腹腴
明年我欲東南去故云遠包春茗問何如玉堂下直長廊靜爲君滿意說江湖

子瞻以子夏邱明見戲聊復戲答

化工見彈大早計端爲失明能著書邇來似天會事發淚睫見
光猶隕珠喜公新賜紫琳腴上清虛皇對久如對久如謂奏對
然猶言請天還我讀書眼願載軒轅訖鼎湖軒轅謂神宗時山
久如也

省中烹茶懷子瞻用前韻

閣門井不落第二文德殿東上閣門竟陵谷簾定設書州竟陵

人著茶經三篇以虛山康思公煮茗共湯鼎蚯蚓竅生魚眼珠
王谷水簾爲天下第一置身九州之上腴爭名齕中沃焚如謂眾人爭名於烈微之中

也也但恐次山胸磊隗終便酒舫石魚湖

以雙井茶送孔常父

校經同省竝門居無日不聞公讀書故持茗碗澆舌本要聽六
經如貫珠心知韻勝舌知腴何似寶雲與真如湯餅作魔應午
寢慰公渴夢吞江湖

常父答詩有煎點徑須煩綠珠之句復次韻戲答

小鬟雖醜巧粧梳掃地如鏡能檢書欲買娉婷供煮茗我無一
斛明月珠知公家亦闕掃除但有文君對相如政當爲公乞如
願作牋遠寄宮亭湖

戲呈孔毅父

營城子無食肉相孔方兄有絕交書文章功用不經世何異絲
窠綴露珠校書著作頻詔除山谷以元豐八年四月爲校書郎元祐二年正月爲著作佐郎猶能上車問何如忽憶僧床同野飯夢隨秋鴈到東湖

謝黃從善司業寄惠山泉

從善名降一名隱

錫谷寒泉攬石俱

攬音安圓而長日攬攬石所以澄水也

竝得新詩蠶尾書急呼

烹鼎供茗事晴江急雨看跳珠是功與世滌羶腴令我屢空常
晏如安得左轡清潁尾風鑪煮茗臥西湖

以團茶洮州綠石研贈無咎文潛

晁子智囊可以括四海張子筆端可以回萬牛自我得二士意
氣傾九州道山延閣委竹帛清都太微望冕旒良宮胎寒弄明

月天網下罩一日收此地要須無不有紫皇訪問富春秋

元祐元年

十二月試太學錄張耒試太學正晁補之並為祕書省

正字所謂道山延閣所謂此地並指禁省館閣言之也

贈君越侯所貢蒼玉璧可烹玉塵試春色澆君胸中過秦論

酌古今來活國張文潛贈君洮州綠石含風漪能淬筆鋒利如

錐請書元祐開皇極第入思齊訪落時

思齊指宣仁太后紫皇及訪落並指哲宗也

次韻答曹子方雜言

曹輔字子方

酃池寺

山谷在京寓居此寺

湯餅一齋孟曲肱嬾著書騎馬天津看逝水

滿船風月憶江湖

往時盡醉冷卿酒

冷卿如稱祠部為冷廳廣文為冷官之類謂光祿卿

也或云冷姓也侍兒琵琶春風手竹閒一夜鳥聲春明朝醉起雪塞門

當年聞說冷卿客黃鬢鄴下曹將軍挽弓石八不好武讀書臥

看三峰雲誰憐相逢十載後金裏生魚甌生塵冷卿白首大官
寺梅前不復如花人暫將軍江湖之上可相忘春鋤對立雙鸞
鴛無機與游不亂行何時解纓濯滄浪喚取張侯來平章張侯是
張仲謀烹茶煮餅坐僧房首丘句山谷自敘近狀時持戒律甚嚴
在冷宅始知曹之名誰憐四句敘與曹相遇
時曹貧而冷亦不如昔矣末七句招曹偕隱

次韻子瞻武昌西山

元次山因石顓有窠因修之以藏酒

作元次山窪樽銘東坡在玉堂與鄧同夜直話
及此事因作武昌西山詩請鄧同賦山谷和之

漫郎江南酒隱處古木參天應手栽石均爲尊酌花鳥自許作
鼎調鹽梅平生四海蘇太史酒澆不下胸崔嵬黃州副使坐閒
散諫疏無路通銀臺鸚鵡洲前弄明月江妃起舞躡生埃次山

醉魂招髣髴步入寒溪金碧堆洗前塵痕飲嘉客笑倚武昌江
作轡誰知文章照今古野老爭席漁爭隈鄧公勒銘留刻畫刻
剔銀鉤洗綠苔琢磨十年煙雨晦摸索一讀心眼開謫去長沙
憂鵬入歸來杞國痛天摧玉堂卻對鄧公直北門喚仗聽風雷
山川悠遠莫浪許富貴崢嶸今鼎來萬壑松聲如在耳意不及
此文生哀首四句敘次山作崔櫓平生四海以下十二句敘東坡
紫鄧公之銘謫去長沙至末八句敘東坡還京與鄧同直玉堂

謝送碾賜壑源揀芽

喬雲從龍小蒼壁熙寧末神廟有旨建州製密雲龍元豐至今人未識壑源包
貢第一春建州茶以北苑壑源爲上沙細碾香供玉食睿思

殿東金井欄

審思神宗便殿也

甘露薦椀天開顏橋山事嚴庀百局

橋山

謂作神宗裕陵也

補袞諸公省中宿中人傳賜夜未央雨露恩光照宮

燭右丞似是李元禮好事風流有涇渭肯憐天祿校書郎

右丞謂李

清臣邦直校書郎山谷以親救家庭遣分似春風飽識太官羊

元豐八年召為校書郎也不慣腐儒湯餅腸搜攬十年燈火讀令我胸中書傳香已

謂茶戒應門老馬走客來問字莫載酒

以小團龍及半挺贈無咎竝詩用前韻為戲

我持玄圭與蒼璧以暗投人渠不識城南窮巷有佳人

佳人謂無咎

不索寶郎常晏食赤銅茗椀雨斑斑銀粟翻光解破顏上有龍

文下碁局

碁局謂團茶下隱隱有此文蓋篋痕也

擔囊贈君諾已宿此物已是元

豐春先皇聖功調玉燭。晁子胸中開典禮。平生自期萃與渭。故用澆君磊隗胸。莫令鬣毛雪相似。曲几團蒲聽煮湯。煎成車聲繞羊腸。鷄蘇胡麻留渴羌。鷄蘇胡麻俗人煮茶多以此二物雜之。晉有羌人姚馥。但言渴於酒。羣輩渴羌不應亂我官。焙香肥如瓠。壺鼻雷吼幸君飲。此勿飲酒。

送謝公定作竟陵主簿

謝公文章如虎豹。

謝公謂師厚公。定蓋其子也。

至今斑斑在兒孫。竟陵主簿

極多閒萬事。不理專討論。淵松無心古。須鬣天球不琢中。粹溫

落筆塵沙百馬奔。劇談風霆九河翻。胸中恢疏無怨恩。當官持

廉庭不煩吏民欺。公亦可忍憤勿驚魚。使水渾漢濱。舊今誰

存。

竟陵與襄陽皆在漢水之濱。

駟馬高蓋徒紛紛。安知四海習鑿齒。拄笏看

虞南山雲

四海句以習鑿齒比公定才行之高

以王徽之比公定襟懷之雅

贈送張叔和

張侯溫如鄒子律能令陰谷黍生春有齊先君之季女

填字叔和洛中

後娶山谷季妹十年擇對無可人箕帚掃公堂上塵家風孝友

故相親廟中時薦南淵蘋兒女衣袴得補紉兩家俱爲白頭計

察公與人意甚真吏能束縛老姦手要使鰥寡無鬬呻但迴此

光還照已平生倦學皆日新我提養生之四印君家所有更贈

君百戰百勝不如一忍萬言萬當不如一默無可簡擇眼界平

不藏秋毫心地直我肱三折得此醫自覺兩踵生光輝團蒲日

靜烏吟時鑪爇一炷試觀之

僧景宗相訪寄法王航禪師自注智航道人住嵩山法王寺數遣小僧景宗到鄴城因

宗還寄之

抱牘稍還處驚行倦禪時作囊駝坐王洙避雪佛廟見一老僧著皂裘背及肋有白補處

明日視之忽憶頭陀雲外人閉門作夏與僧過一絲不掛魚脫

乃囊駝也淵萬古同歸蟻旋磨山中雨熟瓜芋田喚取小僧休乞錢首二

谷自敘近狀三四句指智航一絲句謂智航無墨無礙脫離世

網萬古句慨世人為物所牽如蟻之旋磨末二句謂智航能以

法力致雨熟其田園不須令小僧景宗乞化也謝王仲至惠洮州礪石黃玉印材仲至名欽臣

洮礪發劒虹貫日印章不琢色蒸栗磨礪頑鈍印此心佳人持贈意堅密佳人鬢彫文字工藏書萬卷胸次同曰臨天閑參真

龍新詩得意挾雷風我貧無句當一物看公倒海取明月

次韻子瞻詠好頭赤圖

李侯畫骨不一作亦畫肉筆下馬生如破竹秦駒雖入天仗一作馬

圖猶恐真龍在空谷精神權奇汗溝赤汗銅馬相法曰有頭自一作

赤烏能逐日安得身為漢都護三十六城看歷歷

觀伯時畫馬元祐三年春東坡知貢舉山谷與李伯時皆為其屬故試院中作數詩

儀鸞供帳饗蟲行翰林溼薪爆竹聲儀鸞司掌供奉供帳之事翰

內外風簾官燭淚縱橫木穿石槩未渠透木太極老君與傅先生

而石穿遂得神丹年坐窗不邀令人瘦貧馬百鬣逢一豆眼明

見此五花驄徑思著鞭隨詩翁城西野桃尋小紅

記夢

洪駒父詩話謂山谷見一貴宗室攜妓女游某寺此篇記其事也僧惠洪冷齋夜語謂山谷畫卧醴池寺夢與一道士游蓬萊覺而作此詩二說未知孰是

眾眞絕妙擁靈君曉然夢之非紛紜窗中遠山是眉黛席上榴
花皆舞裙借問琵琶得聞否靈君色莊妓搖手兩客爭棋爛斧
柯一兒壞局君不呵杏梁歸燕空語多奈此雲窗霧閣何

次韻子瞻送李豸

豸字方叔東坡知貢舉而豸不第有詩送之

驥子墮地追風日未試千里誰能識習之實錄葬皇祖斯文如
女有正色今年持囊佐春官遂失此人難塞責雖然一闕有奇
耦博懸於投不在德君看巨浸朝百川此豈有意潢潦前二句言其
所成大願爲霧豹懷文隱莫愛風蟬蛻骨仙二句勸其不求速化

次韻子瞻寄眉山王宣義

王淮奇字慶源蜀之青神人東坡叔丈人也東坡有王丈求紅

荷帶

參軍但有四立壁初無臨江千木奴白頭不用折腰具桐帽棕
鞵稱老夫滄江鷗鷺野心性陰壑虎豹雄身須鷗鷺作裘初服
在猩血染帶鄰翁無昨來杜鵑勸歸去更待把酒聽提壺當今
人材不乏使天上二老須人扶兒無飽飯尙勤書婦無複輝且
著襦社蠶可漉溪可漁更問黃雞肥與癯林間醉著人伐木猶
夢官下聞追呼聞伐木喧噪之聲猶以爲追呼也萬釘圍腰莫愛渠富貴安能
潤黃墟

聽宋宗儒摘阮歌

翰林尚書宋公子

翰林尚書當文是宋景文公

采風流今尚爾自疑耆域是

前身囊中探丸起人死

者域天竺高僧也嘗以淨水一

杯楊柳一枝起滕永文之病貌如千

歲枯松枝落魄酒中無定止得錢百萬送酒家一笑不問今餘

幾手揮琵琶送飛鴻促絃聒醉驚客起寒蟲催織月籠秋獨鴈

叫羣天拍水楚國驕臣放十年漢宮佳人嫁千里深閨洞房語

恩怨紫燕黃鸝韻桃李楚狂行歌驚市人漁父拏舟在葭葦問

君枯木著朱紉何能道人意中事君言此物傳數姓玄壁庚庚

有橫理閉門三月傳國工身今親見阮仲容我有江南一邱壑

安得與君醉其中曲肱聽君寫松風

博士王揚休碾密雲龍同事十三人飲之戲作

商雲蒼壁小盤龍貢包新樣出元豐王郎坦腹飯牀東太官分
物來婦翁棘閣深鎖武成宮談天進士雕虛空任注國朝試進士多在武成王廟熙豐間進士高談雅鳴鳩欲雨喚雌雄南嶺北嶺宮徵同命元祐初其習猶在
言程文聲午窗欲眠視濛濛喜君開包碾春風注湯官焙香出
調一律也籠非君灌頂甘露枕幾爲談天乾舌本

答黃冕仲索煎雙井竝簡揚休冕仲名裳

江夏無雙乃吾宗同舍頗似王安豐王戎封安豐侯善發談端此引以比揚休能澆

茗椀湔拔我風袂欲挹浮邱翁吾宗落筆賞幽事秋月下照澄

江空秋月澄江言詩之清絕如此家山鷹爪是小草敢與好賜雲龍同不嫌

水厄幸來辱寒泉湯鼎聽松風夜堂朱墨小燈籠此句不惜無

寺少 卷十六 七古 黃庭堅 七

纖纖來捧碗唯倚新詩可傳本

再答冕仲

邱壑詩書雖數窮田園芋栗頗時豐小桃源口雨繁紅春溪蒲

稗沒鳧翁急就篇顏注曰翁鳧頸毛也投身世網夢歸去摘山鼓聲雷隱空

秋堂一笑共燈火與公草木臭味同安用茗澆歸隄胸他日過

飯隨家風漢書鮑宣傳俱過宣一飯去買魚貫柳雞著籠更當力貧開酒碗

走謁鄰翁稱子本稱子本謂稱貸於鄰家以治具韓文子本相侔

戲答陳元興元祐二年八月陳軒為主客郎中軒字元興

平生所聞陳汀州陳汀州亦猶稱鄭蝗不入境年屢豐東門拜

書始識面任注云東門并書當是拜謁於東上閣門鬢髮幸未成老翁官幾同盤厭

腥膩茶甌破睡秋堂空自言不復蛾眉夢枯淡頗與小人同山谷自謂也但憂迎笑花枝紅夜窗冷雨打斜風秋衣沈水換薰籠薰衣也謂元與雖甘枯淡恐有少婦寒宵薰衣意根復動耳

再答元興

君不能入身帝城結子公又不能擊強有如諸葛豐法當憔悴百寮底五十天涯一秃翁問君何自今爲郎便殿作賦聲塵空偶然樽酒相勞苦牛鐸調與黃鍾同牛鐸山谷自比黃鍾以比元興也安得朱幡各憑熊江南樓閣白蘋風勸歸嗁鳥曉窗籠男兒邂逅功補袞鳥倦歸巢葉歸本邇近謂不期而得之補袞謂名位也言名位倉卒可得不如不忘其本也

演雅

桑蠶作繭自纏裹蛛蝥結網工遮邏燕無居舍經始忙蝶爲風

光句引破老鷓鴣衙石宿水飲釋蜂趨衙供蜜課

唐食貨志有課戶今猶以賦稅

爲國課此謂蜂蠶傳吉語安得閑雞催晨興不敢臥氣陵千里

蠅附驥狂過一生蟻旋磨蝨聞湯沸向血食雀喜宮成自相賀

晴天振羽樂蜉蝣空穴祝兒成螺贏蛄蛸轉丸賤蘇合飛蛾赴

燭甘死禍井邊蠶李蠟苦肥枝頭飲露蟬常餓天嫂伏隙錄人

語射工含沙須影過訓狐啄屋真行怪螭蛸報喜太多可鷓鴣

密伺魚蝦便白鷺不禁塵土浣絡緯何嘗省機織布穀未應勤

種播五技鼯鼠笑鳩拙百足馬竝憐鼃跛老蚌胎中珠是賊醯

雞貧裏天幾大螳螂當轍恃長臂熠燿宵行矜照火提壺猶能

勸沽酒黃口也小雀只知貪飯顆伯勞饒舌世不問鸚鵡鵲言便

關鎖春蛙更唱雜土蚓壁蟬何碎瑱江南野水碧於天中

有狎鷗閑似我狎鷗一作白鷗

戲答趙伯充勸莫學書及為席子澤解嘲

平生飲酒不盡味五鼎餽肉如嚼蠟二句言不好飲我醉欲眠便遣客

三年窺牆亦面壁二句言不好色空餘小來翰墨場松煙兔穎傍明窗

偶隨兒戲灑墨汁眾人許在崔杜行崔謂崔瑗杜謂杜陵晚學長沙小三

昧長沙僧懷素也自幻出萬物真成狂龍蛇起陸雷破柱自喜

奇觀繞繩牀家人罵笑甯有道汚染黃素敗粉牆誠不如南鄰

席明府

任注席君蓋京師醫者與山谷寓舍相鄰山谷書帖中所謂席三郎其人也

蛛網鎖硯蝸書

梁懷中探丸起九死才術頗似漢太倉感君詩句喚夢覺邯鄲

初未熟黃梁身如朝露無牢強玩此白駒過隙光從此永明書

百卷

杭州永明寺智覺禪師一百卷延壽著宗鏡錄

自公退食一爐香

戲書秦少游壁

任注云觀此詩意當是少游過南京時有所盼主翁待少游厚欲令從歸而其家難

也之

丁令威化作遼東白鶴歸朱顏未改故人非微服過宋風退飛

謂少游過宋之南

宋父擁簪待來歸

宋父以喻所盼者之父

誰饋百牢鵠

鵠妃

百牢喻百兩之禮

秦氏烏生八九子

秦氏喻少游之夫人雅烏之兄

畢逋尾

子見喻少游之

憶炊門牡烹伏雌

此年與妻同貧苦未肯增

巢令汝棲

此句喻妻意不從少游納妾

莫愁野雉疏家雞

此句勸少游但願妻無怨其夫

主人印纍纍

言富貴後不妨廣置姬妾也

送少章從翰林蘇公餘杭

東南淮海惟揚州國士無雙秦少游欲攀天關守九虎但有筆

力迴萬牛文學縱橫乃如此故應當家有季子時來誰能力作

難鴻雁行飛入道山斑衣兒唬真自樂從師學道也不惡但使

新年勝故年即如常在郎罷前

顧況詩曰隔地絕天直至黃泉不得在郎罷前

便糴王丞送碧香酒用子瞻韻戲贈鄭彥能

王說晉卿尚蜀國公主其

家酒名碧香彥能名僅

食貧好飲嘗自嘲曰給上尊無骨相

漢賜丞相上尊酒言貧者無此骨相不能邀給賜也

大農部丞送新酒碧香竊比主家釀應憐坐客竟無璫更遭官
長頗譏謗二句謂王憐山谷憐其坐則無璫出則被謗也銀杯同色試一傾排遣春寒
出幃帳浮蛆翁翁杯底滑坐想康成論泛盎重門著關不爲君
但備惡客來仇餉

戲和答禽語

南村北村雨一犁新婦餉姑翁哺兒田中嘯鳥自四時催人脫
袴著新衣著新替舊亦不惡去年租重無袴著

謝景叔惠冬筍雍酥水犁三物

玉人憐我長蔬食走送廚珍不自嘗秦牛肥膩酥勝雪漢苑甘
寒梨得霜冰底斲春生筍束豹文解纔饌寒玉見他桃李憶故

園曉獮應殘。遶窗竹。

再答景叔

女三爲粲當獻王三珍。同盤乃得嘗甘泉。下澆黎莧腸令我詩

句挾風霜。小人食珍敢取足。都城一飯炊白玉。賜錢千萬民猶

飢。元祐二年十二月以大雪寒雪後排檐凍銀竹。銀竹謂冰柱也。

出城送客過故人東平侯趙景珍墓

朱顏苦醕不冝住。白髮政爾欺得人。嬋娟去作誰家妾。意氣都

成一聚塵。今日牛羊上邱壟。當時近前左右腹。花開鳥哢荆棘

裏誰與平章作好春。

題也足軒並序

簡州景德寺覺範道人種竹於所居之東軒使君楊夢
貺題其軒曰也足取古人所謂但有歲寒心兩三竿也
足者也仍爲之賦詩余輒次韻

道人手種兩三竹使君忽來唾珠玉不須客賦千首詩若是賞
音一變足世人愛處但同流一絲不掛似太俗客來若問問一作我
有何好道人優曇一作被遠山綠

送石長卿太學秋補

長卿家亦但四壁文君癡之介如石胸中已無少年事骨氣乃
有老松格漢文新覽天下圖謂徽宗初立也詔山採玉淵獻珠再三可

陳治安策第一莫上登封書

次韻黃斌老所畫橫竹
酒澆胸次不能平吐出蒼竹歲呼噪臥龍偃蹇雷不驚公與此
君俱忘形晴窗影落石泓處松煤淺染飽霜兔中安三石使屈
蟠亦恐形全便飛去

戲詠子舟畫兩竹兩鵲

風晴日暖搖雙竹竹閒相語兩鵲鵲鵲鵲之肉不可肴人生不
材果爲福子舟之筆利如錐千變萬化皆天機未知筆下鵲鵲
語何似夢中蝴蝶飛

題榮州祖元大師此君軒

王師學琴三十年響如清夜落淵泉滿堂洗盡箏琶耳請師停

手恐斷絃四句敘其善鼓琴神人傳書道人命死生貴賤如看鏡晚知

直語觸憎嫌深藏幽寺聽鐘磬四句敘其善推命有酒如沍客滿門不

可一日無此君當時手裁數寸碧聲挾風雨今連雲此君傾蓋

如故舊骨相奇怪清且秀程嬰杵曰立孤難此句狀伯夷叔齊

采薇瘦此句狀鍾堂上弄秋月微風入絃此君說二句因竹而及琴回

願篇首公家周彥筆如椽此君語意當能傳

青神縣尉廳葺城頭舊屋作借景亭下瞰史家園水竹終

日寂然了無人迹又當大木綠陰之間戲作長句奉呈

信孺明府介卿少府尉即張祖介卿祖父闍雅州人娶山谷之姑官太常卿

青神縣中得兩張愛民財力唯恐傷二公身安民乃樂新葺城

頭六月涼竹鋪不沈吳綾機東西開軒蔭清樾當官借景未傷

民恰似鑿池取明月任注杜牧之盆池詩云鑿破蒼苔地偷他一片天此用其意

戲贈家安國初安國字復禮眉山人後入左選

家侯口吃善著書常願執戈王前驅朱紱蹉跎晚監郡吟弄風

月思天衢二蘇平生親二蘇謂東坡黃門亦眉人皆有贈安國之詩少年筆硯

老栢酒但使一氣轉鴻鈞此老翼鑠還冠軍

和王觀復洪駒父謁陳無己長句王蕃字觀復沂公之孫官閬中時常從山谷問

學元符三年自京師改官復入蜀會山谷於荊州洪芻字駒父山谷之甥也

陳君今古焉不學清渭無心映溼濁漢官舊儀重九鼎謂無己

典刑足為重集賢學士見一角一角以無己比麟謂王侯文采似

士林之重如學士中之瑞也七古 黃庭堅

於菟洪甥人閒汗血駒相將問道城南隅無屋止借船官居有
書萬卷繞四壁樵蘇不爨談至夕主人自是文章伯鄰里頗怪
有此客食貧各仕一作在天方佳人可思不可忘河從天來砥
柱立言無己獨立於頽波之閒愛莫助之涕淋浪

王充道送水仙花五十枝欣然會心爲之作詠

凌波仙子生塵機水上輕盈步微月是誰招此斷腸魂種作寒
花寄愁絕含香體素欲傾城山礬是弟梅是兄坐對眞成被花
惱出門一笑大江橫

庭堅以去歲九月至鄂登南樓歎其制作之美成長句久

欲寄遠因循至今書呈公悅公悅名澤

江東湖北行。畫圖鄂州南樓。天下無高明。廣深勢抱合。表裏江山來。畫閣雪筵披襟夏簟寒。胸吞雲夢何足言。庾公風流冷似鐵。誰其繼之方公悅。

題蓮華寺

狂卒猝起金坑西。脅從數百馬百蹏。所過州縣不敢誰。肩輿虜載三十妻。件生有膽無智略。謂河可馮。虎可搏。身膏白刃浮屠前。此鄉父老至今憐。

送密老住五峯

密老蓋法昌之嗣

我穿高安過萍鄉。七十二渡遶羊腸。水邊林下逢衲子。南北東西古道場。五峯秀出雲雨上。中有寶坊如側掌。去與青山作主。

人不負法昌老。禪將栽松種竹。是家風。莫嫌斗絕無來往。但得螺師吞大象。從來美酒無深巷。螺師吞大象。法昌法身頌中語也。美酒無深巷。古語也。謂酒之美者。雖在深僻之地。人必就沽。山谷之意。以爲密老但解法昌宗旨。有何患不爲人所知哉。

武昌松風閣

依山築閣見平川。夜闌箕斗插屋椽。我來名之意適然。老松魁梧數百年。斧斤所赦。今參天。風鳴嫺皇五十絃。洗耳不須菩薩泉。嘉二三子甚好賢。力貧買酒醉此筵。夜雨鳴廊到曉懸。相看
不歸臥。僧瓊泉枯石。燥復潏潏。山川光輝爲我妍。野僧早飢不
能飽。曉見寒谿有炊煙。東坡道人已沈泉。山谷以崇寧元年壬午九月至鄂東坡已死矣。故曰沈泉。張侯何時到眼前。文潛時謫黃州安置。尚未到黃。故曰何時到眼前。釣

臺驚濤聒。晝眠怡亭看篆蛟。龍纏安得此身脫。拘攣舟載諸友長周旋。

次韻文潛

武昌赤壁弔周郎。寒溪西山尋漫浪。忽聞天上故人來。呼船凌

江不待餉。韓詩江即凌雲波之類我瞻高明少吐氣。君亦歡喜

失微恙。年來鬼祟覆三豪。任注云三豪當是東坡先生詞林根

抵頗搖蕩。天生大材竟何用。只與千古拜圖像。張侯文章殊不

病。歷險心膽元自壯。汀州鴻雁未安集。風雪牖戶當塞向。有人

出手辦茲事。政可隱几窮諸妄。二句謂安民修政自有廟堂諸

道息諸妄念爾經行東坡眠食地。拂拭寶墨生楚愴。水清石見君所知。

此是吾家秘密藏二句言賢愚正久而

次韻元實病目

范溫字元實范祖禹溫字秦少游之婿

道人常恨未灰心儒士苦愛讀書眼

言爲道者惟恐心之不灰爲學者惟恐見之不博各

異趣也

要須玄覽照鏡空莫作白魚鑽蠹簡閱人朦朧似有味看

字昏澁尤宜嬾范侯年少百夫雄言行一一無可東看君眸子

當瞭然乃稱胸次常坦坦如何有物食明月淚睫隕珠衣袖滿

金篦刮膜會有時湯熨取快術誠短君不見岳頭嬾瓚一生禪

鼻涕垂頤渠不管

花光仲仁出秦蘇詩卷思兩國士不可復見開卷絕歎因

花光爲我作梅數枝及畫煙外遠山追少游韻記卷末

仲仁蓋衡州
花光山長老

夢蝶真人貌黃槁籬落逢花須醉倒夢蝶真人用莊子事籬落

游逢花便醉也雅聞花光能畫梅更乞一枝洗頰惱扶持疑當作愛梅

說道理自許牛頭參已早法融禪師入牛頭山幽長眠橘洲風

雨寒少游卒於藤州其子處今日梅開向誰好何況東坡成古

邱不復龍蛇看揮掃我向湖南更續南繫船來近花光老歎息

斯人不可見喜我未學霜前草霜前草言喜尚未死也寫盡南枝與北枝

更作千峰倚晴昊

書磨崖碑後

春風吹船著潯溪扶藜上讀中興碑平生半世看墨本摩挲后

刻鬢成絲明皇不作苞桑計顛倒四海由祿兒九廟不守乘輿
西萬官已作烏擇栖撫軍監國太子事何乃趣取大物爲事有
至難天幸爾上皇跼蹐還京師內間張后色可否外間李父頤
指揮南內淒涼幾苟活高將軍去事尤危張后與李輔國謀徙
從上皇自蜀還爲李臣結春陵二三策臣甫杜鵑再拜詩安知
輔國所誣長流巫州忠臣痛至骨世上但賞瓊琚詞同來野僧六七輩亦有文士相
追隨斷崖蒼薛對立久凍雨爲洗前朝悲

太平寺慈民閣

元注云晚與
僧公袞同登

青玻瓈盆插千岑湘江水清無古今何處拭目窮表裏太平飛
閣暫登臨朝陽不聞阜蓋下愚溪但有古木陰元結在零陵尋
得巖洞名曰朝

陽巖結爲春陵刺史死已久矣故誰與洗滌懷古恨坐有佳客
日不開阜蓋下思溪懷柳子厚也

非孤樹

題淡山巖二首

淡山巖在永州西南有巖空洞可容數千人

去城二十五里近天與隔盡俗子塵春蛙秋蠅不到耳夏涼冬
暖總宜人巖中清磬僧定起洞口綠樹仙家春惜哉次山世未
顯不得雄交鏡翠珉

淡山淡姓人安在徵君避秦亦不歸

徵君謂周貞實零陵人居淡山石室秦始皇三徵不

起遂化

石門竹徑幾時有瓊臺瑤室至今疑回中明潔坐十客

爲石元次山有大回中小回中詩言樊水亦可呼樂醉舞衣闌州城
之回洑也此借用以言巖洞之回環

南果何似永州淡巖天下稀

明遠菴

遠公引得陶潛住美酒沽來飲無數我醉欲眠卿且去只有空
瓶同此趣淵明好眠室瓶亦同此趣誰知明遠似遠公亦欲我行菴上
路多方挈取甕頭春大白梨花十分注甕頭初熟酒也與君
深入逍遙遊了無一物當情素道卿道卿歸去來元注云道明卿涪溪僧
遠主人今進步

戲答歐陽誠發奉議謝予送茶歌

歐陽子出陽山山奇水怪有異氣生此突兀熊豹顏飲如江水
洞庭野詩成十手不供寫老來抱璞向涪翁東坡元是知音者
蒼龍壁官焙香涪翁投贈非世味自許詩情合得嘗卻思翰林

來餽光祿酒兩家冰鑒共寒光歐陽昔年曾爲東坡所賞餽之以酒茲又與山谷往還餽之以茶
予乃安敢比東坡有如玉盤金叵羅直相千萬不啻遇愛公
好詩又能多老夫何有更橫戈柰此于思百戰何歐陽君必多思事元于

和范信中寓居崇甯遇雨二首

范侯來尋入桂路走避俗人如脫兔衣囊夜雨寄禪家行潦升
階漂雨屢遣悶悶不離眼前避愁愁已知人處慶公憂民苗未
立旻公憂木水推去慶旻蓋崇甯兩禪僧雨禪有意開壽域歲晚築室當
百堵徽宗崇甯三年詔天下祈年它時無屋可藏身且作五里公超
霧後漢張楷字公超性

當年游俠成都路。黃犬蒼鷹。伐狐兔。二十始。肯爲儒生行。尋丈人。奉巾屨。干江渺然萬山阻。抱衣一囊。徧處處。或持劒。掛宰上。回亦有酒罷壺中去。昨來禪榻寄曲肱。上雨。傍風。破環堵。何時鯤化北溟波。好在豹隱南山霧。已上內集

清江引

以下外集
○嘉祐六年作時公年十七

江鷗搖蕩荻花秋。八十漁翁百不憂。清曉采蓮來盪漿。夕陽收網更橫舟。羣兒學漁亦不惡。老妻白頭從此樂。全家醉著篷底眠。舟在寒沙夜潮落。

還家呈伯氏

元注葉縣作
○辛亥二十歲

去日櫻桃初破花。歸來著子如紅豆。四時驅迫少須臾。兩鬢飄

零成老醜永懷往在江南日原上急難風雨後私田苦薄王稅

多諸弟號寒諸妹瘦扶將白髮渡江來吾二人如左右手苟從

祿仕我適回且慰家貧兄孝友強趨手板汝陽城更責愆期被

訶詬山谷初到汝州時鎮相法官壽幣草自搖丞相霜威人避

走賤貧孤遠蓋如此此事端於我何有一囊粟麥七千錢五人

兄弟二十口官如元亮且折腰心似次山羞曲肘北窗書冊久

不開篋篋黃塵生鎖鈕何當略得共討論況乃雍容把杯酒意

氣敷腴貴壯年不蚤計之且衰朽安得短船萬里隨江風養魚

去作陶朱公斑衣奉親伯與儂四方上下相依從用舍由人不

由己迺是伏轡駒犢耳

流民歎

己酉二
十五歲

朔方頻年無好雨五穀不入虛春秋邇來后土中夜震有似巨
鼇復戴三山游傾牆摧棟壓老弱冤聲未定隨洪流地文割剝
水露沸十戶八九生魚頭稍聞澶淵渡河日數萬河北不知虛
幾州纍纍糶負囊葉間舍無所耕無牛初來猶自得曠土嗟
爾後至將何怙刺史守令真分憂明詔哀痛如父母廟堂已用
伊呂徒何時眼前見安堵疏遠之謀未易陳市上三言或成虎
禍災流行固無時堯湯水旱人不知桓侯之疾初無證扁鵲入
秦始治病投膠盈掬俟河清一簣豈能續民命雖然猶願及此
春略講周公十二政風生羣口方出奇老生常談幸聽之

熙甯
二年

河北於旱後又遭水災流民南渡就食襄葉間所云
疏遠之謀老生常談者山谷是時必陳救荒之策也

次韻答張沙河

知邢州沙河縣

張侯堂堂身八尺老大無機如漢陰猛摩虎牙取吞噬自歎日
月不照臨策名日已汙軒冕逃去未必焚山林我評君才甚高
妙孤竹截管空桑琴四十未曾成老翁紫髯垂頤鬱森森眉宇
之間見風雅藍田煙霧生球琳胸中礪錦政須酒東觀可攬北
斗斟古人已悲銅雀上不聞向時清吹音百年毀譽付誰定取
醉自可結舌瘡使公繫腰印如斗駟馬高蓋驅騷騷親朋改觀
婢僕敬成都男子甯異今又言屋底甚縣磬兒婚女嫁取千金
古來聖賢多不飽誰能獨無父母心眾鵲墮地各有命強爲百

草憂春霖艾封人子暗目曉與王同牀悔沾襟隴鳥入籠左右
啄終日思歸碧山岑一生能幾開口笑何忍更遣百慮侵忽投
雄簫寫逸興仰占乾文動奎參自陳使酒嘗罵坐惜予不與朋
合簪君材蜀錦三千丈要在刀尺成衣袞南朝例有風流癖楚
地俗多詞賦淫屈原離騷豈不好只今漂骨滄江潯政令夷甫
開三窟獵以我道皆成禽溫恭忠厚神所勞於魚得計豈厭深
丈夫身在要勉力豈有吾子終陸沈鄙人相士蓋多矣勿作蔡
澤笑噤吟

古風次韻答初

和甫二首

元豐七年甲子四十歲

飢思河鯉與河魴渴

思蔗漿玉盃涼冬願純綿對陰雪夏願綢

絺度盛陽萬端作計身愁苦一事不諧鬢蒼浪詠笑天街吟海
燕藜羹脫粟非公狂
君吟春風花草香我愛春夜碧月涼美人美人隔湘水其雨其
雨怨朝陽蘭荳盈懷報瓊玖冠纓自潔非滄浪道人四十心如
水那得夢爲蝴蝶狂

次韻答和甫盧泉水三首

並序。初廣世字和甫工醫居東平府須城縣盧泉鄉

和甫作盧泉之水不求於古樂府而規摹暗合予爲和
成三疊自予官河外罕得逆耳之言於朋友和甫愛我
也居有藥言吾不欲其思盧泉也故作其一父母之邦
有如仲尼柳下惠而懷安之以吾之樂雙井知和甫之

不忘盧泉也故作其二坐進此道者於物無擇清漳之
波濁河之流盧泉之水求其異味而不得也親樂之身
安之斯可矣故作其三夫三言者雖不同唯知言者領
其不異也

初侯不能六尺長少日結交皆老蒼勢利不可更炎涼解纓從
我濯滄浪與君論心松柏香何爲獨憶盧泉之上多綠楊盧泉
如練照秋陽泉上之人猶謗傷此邦當指德平言之雖陋有佳士勿厭
風沙吹茫茫願君不負上池水囊中探丸起人死

盧泉之木百尺長下蔭泉色如木蒼蘋風和雨灑面涼倒影搖
蕩天滄浪網登錦鱗蒲荇香何以貫之柳與楊古來希價入咸

陽貪功害能相中傷君今已出紛爭外但思煙波春淼茫奉親
安樂一杯水盧泉之濱可忘死

舍後鐘梵爐煙長舍前簾影竹蒼蒼事親煖席扇枕涼中有一
士鬢蒼浪同心之言蘭麝香與游者誰似姓楊朝發枉渚夕辰
陽懷瑾握瑜祇自傷東有濁河西清漳胡爲搔頭盧泉思茫茫
清明在躬不在水此曹狡獪可心死

贈趙言

饒陽趙方士眼如九秋鷹學書不成不學劒心術妙解通神明
鑒如俯身拾地芥相如仰面觀天星自言方術雜鬼怪萬種一
貫皆天成大梁卜肆傾賓客二十餘年聲藉藉得錢滿屋不經

營散與世人還寄食北門塵土滿衣襟廣文直舍官槐陰白雲
勸酒終日醉紅燭圍棋清夜深大車駟馬不回首強項老翁來
見尋北門至此六句山谷時在北京他人不顧而趨言獨來相尋訪也
政在無機心輕談禍福邀重糈所在多於竹簟林翁言此輩無
足聽見葉知根論才性飛騰九天沈九泉自種自收皆在行先
期出語駭傳聞事至十九中時病輪困離奇惜老大成器本可
千萬乘自歎輕霜白髮新又去驚動都城人都城達官老於事
嫌翁出言不媚媚有手莫炙權門火有口莫辨荆山玉吳宮火
起燕焚巢當時卞和斲兩足千里辭家卻入門三春榮木會歸
根我有江南黃篋舫與翁長入白鷗羣

次韻晁補之廖正一贈答詩

補之字无咎正一字明略元豐二年己未同榜晁无咎集

云及第東歸將赴調寄李成季又云復用前韻答明略並呈魯直

晁子抱材耕谷口世有高賢踐台斗頃隨計吏西入關關夫數
日傳車還封侯半屬妄校尉射虎猛將猶行間無因自致青雲
上浪說諸公見嗟賞驥伏鹽車不稱情輕裘肥馬鳳凰城歸來
作詩謝同列句與桃李爭春榮十年山林廖居士今隨詔書稱
舉子文章宏麗學西京新有詩聲似侯喜君不見古來良爲知
音難絕絃不爲時人彈已喜瓊枝在我側更恨桂樹無由攀千
里風期初不隔獨憐形迹滯河山

頃隨以下七句俱言其不得志輕裘句言其登科也

再次韻呈廖明略

吾觀三江五湖口湯湯誰能議升斗物誠有之士則然晚得廖

子喜往還學如雲夢吞八九文如壯士開黃閭十年呻吟江湖

上青楓白鷗付心賞未減北郭漢先生五府交書不到城後漢

廖扶州郡公府辟召皆不應時人號爲北郭先生相者舉肥驥空老山中無人桂自榮

君旣不能如鍾世美元豐元年十一月鍾世美以內舍生上書稱旨上書動天子

得官世美蓋附王安石者山谷此言特戲之耳且向華陰郡下作參軍要令公怒令

公喜君不見晁家樂府可管絃惜無傾城爲一彈從軍補掾百

僚底九關虎豹何由攀男兒身健事未定且莫著書藏名山

走答明略適堯民來相約奉謁故篇未及之

君不見生不願爲牛後甯爲雞口吾聞向來得道人終古不忒

如維斗希價咸陽諸少年可推令往挽令還俗學風波能自拔
我識廖侯眉宇間省庭無人與爭長唐宋試進士日省試韓公詩下驢入省門此云省庭
皆指試進士言之主司得之如受賞東家一笑市盡傾略無下蔡與陽
城生珠之水砂礫潤生玉之山草木榮觀君詞章亦如此諒知
躬行有君子更約探囊閱舊文蛛絲燈花助我喜賢樂堂前竹
影班好鳥自語莫令彈北鄰著作指堯民也相勞苦整駕謁予邀同
攀應煩下榻煮茶藥坐待月輪銜屋山

答明略竝寄無咎

可以忘憂唯有酒清聖濁賢皆可口前日過君飲不多明日解
醒無五斗古木清陰丹井欄夜來涼月屋頭還論交撥置形骸

外得意相忘樽俎閒冰壺不可與夏蟲饗秋月不可與俗士賞
已得樽前兩友生更思一士濟陽城兩生謂堯民明略一士雖
無四至九卿之規畫猶有千秋萬歲之眞榮空名未食太倉米
今作斑衣老萊子卿家嗣宗望爾來嗣宗謂堯民爲無咎之不
獨我聞足音喜西風索寞葉初乾長欽歸來亦罷彈窮巷蓬蒿
深一尺朱門廉陛高難攀吾儕相逢置是事百世之下仰高山

再次韻呈明略竝寄無咎

夏雲涼生土囊口周鼎湯盤見科斗清風古氣滿眼前乃是戶
曹報章還只今書生無此語已在貞元元和閒一夫鄂鄂獨無
望千夫唯唯皆論賞野人泣血漫相明和氏之璧無連城參軍

拄笏看雲氣。此中安知枯與榮。我夢浮天波萬里。扁舟去作鷗夷子。兩士風流對酒樽。四無人聲鳥聲喜。忽幻出一夢與夢回攪擾。仍世閒心如傷弓。怯虛彈不堪市井逐。乾沒且願朋舊相追攀。寄聲小掾篤行李。落日東面空雲山。一夫四句言舉世混濁不清是非不明故但當拄笏看雲不問榮枯耳

再答明略二首

挾策讀書計餬口。故人南箕與北斗。江南江北萬重山。千里寄書聲不還。當時朱絃寫心曲。果在高山流水閒。枯桐滿腹生蛛網。忍向時人覓清賞。廖侯文字得我驚。五岳縱橫守嚴城。萬夫之下不稱屈。定知名滿四海非眞榮。富於春秋已如此。他日卜

鄰長兒子一邱各自有林泉扶將白頭親宴喜秋風日暮衣裳

單深巷葉落已如彈數來會面復能幾六龍去人不可攀短歌

溷公更一和聊乞淮南作小山讀書劍口言不能有爲於時也南箕北斗言故人在天一方

也當時四句言良友遠別不復向時人索知音也

廖侯言如不出口銓量古今膽如斗度越崔張與二斑古風蕭

蕭筆追還前日辭家來射策聲名籍甚諸公間華陰白雲鎖千

嶂勝日一談誰能賞君不見曩時子產識然明知音鬱鬱閉佳

城勿以匣中之明月計校糞上之朝榮我去邱園十年矣種桑

可蠶犢生子使年七十今中半安能朝四暮三浪憂喜據席談

經只強顏不安時論取譏彈愛君草木同臭味頗似瓜葛相依

攀我有仙方。賁白石。何時期。君藍田山。

次韻謝子高讀淵明傳

枯木嵌空微暗淡。古器雖在無古絃。袖中政有南風手。誰爲聽之誰爲傳。風流豈落正始後。甲子不數義熙前。一軒黃菊平生事。無酒令人意缺然。

次韻孔礪作早行

我置鉏犁就車馬。從來計出古人下。塵埃好在三尺桐。不疑萬世期子野。明經使者著書郎。風雨乘驛忘夙夜。回車過門問無恙。何意深巷勤長者。聖師之後蓋多賢。領略世故有餘暇。白面長身雖不見。好古發憤尙類也。自然身如警露鶴。每先鳴雞整。

初駕北行河決所至郡肅肅王命哀鰥寡力排滹沱避城郭深
澤疲民且田舍賈生三策藏胸中羿矢百中不虛捨行歸定拜
關內侯但賜黃金恐非價但問無恙者言過家不遠久處也何
孔幾之白面長身類孔子山谷此詩以孔著作之好古發憤類
孔子史注云先言明經使者又言北行河決蓋比之漢平當也
以明經禹貢使行河

次韻無咎閻子常攜琴入村

士寒餓古猶今向來亦有子桑琴倚檻嘯歌非寓淫伯牙山高
水深深萬世邱壘一知音閻君七絃抱幽獨鬼子爲之梁父吟
山谷舊寫梁父吟跋云武侯此詩乃以曹公專國天寒絡緯悲
殺楊修孔融荀彧耳此川梁父吟亦跋中之意也
向壁秋高風露聲入林冷絲枯木拂蛛網十指乃能寫人心村

村擊鼓如鳴鼉。豆田見角穀成螺。晉石崇及衛驩傳皆言飯化

也。歲豐寒士亦把酒滿眼。何饌黎藿多。此四句詠 冢家公子屢

經過。公子謂晁氏 笑談與世殊。曰科文章落落暝。晁董詩句往

往妙陰何闇。夫子勿謂知人難。使琴抑怨久不和。明光畫開當

作畫 九門肅不令。高才牛下歌。

贈張仲謀名詢

車如雞栖馬如狗。閉門常多出門少。去天尺五張公子。官居城

南池館好健兒。快馬紫游韁迎我。不知沙路長。高榆老柳媚寒

日。枯荷小鴨凍野航。津人刺船起。應客遙知故人一水隔。下馬

索酒呼三遲。騎奴笑言客竟癡。向來情義比瓜葛。萬事略不置

言金
叮咛追數存亡異憂樂燭如白虹貫酒卮開軒臨水弄長笛吹
落殘月風淒淒城頭漏下四十刻破魔驚睡聽新詩君詩清壯
悲節物政與秋蟲同一律爾來更覺苦語工思婦霜碓擣寒月
朱顏綠髮深誤人不似草木長青春潔身好賢君自有今日相
看進于舊以茲敢傾一盃酒爲太夫人千萬壽

首二句山谷自
言近狀也平日

出門極少今張君遣騎來
迎故往張氏盡醉極歡

送薛樂道知鄖鄉

元祐二年丁卯四十三歲

黃山葉縣連牆居謝公席上對檮蒲雙鬢女弟如桃李蚤許歸
我舍中鴈平生同憂共安樂歲晚相望青雲衢去年樽酒輦鞍
下各喜身爲反哺鳥城頭歸鳥尾畢逋春寒啄雪送行車解珮

我無明月珠折柳不對千里駒念君胸中極了了作吏辦事猶
詩書濁酒挽人作年少關防心地亦時須鄧鄉縣古民少訟但
問自已不關渠登臨一笑雙白髮宜城凍筍供行廚人生此樂
他事無行李道出漢南都寄聲諸謝今何如謝公書堂迷竹塢
手種竹今青青否我思謝公淚成雨歸公去灑榼下土首八句
敘昔年
交好重
以婚姻
近年同
居京師
也城頭
四句敘
送辭出
都史注
云無玉
佩以贈
送而徒
折柳與
千里駒
不相稱
也國藩
疑不字
有誤或
作慙對
千里駒
耳念君
以下九
句論其
到官後
飲酒奉
親也行
李至未
六句囑
其過南
陽問訊
謝家也
南陽漢
之南都
宋之鄧
州山谷
繼室南
陽謝師
厚之女
諸謝謂
公靜公
定輩也

對酒歌答謝公靜

謝師厚二子惜字公靜字公
定。元豐元年戊午三十四歲

我為北海飲君作東武吟看君平生用意處瀟灑定自知人心

南陽城邊雪三日愁陰不能分皁白摧輪踣蹄泥數尺城門晝
閉眠賈客移人僵尸在旦夕誰能忍飢待食麥身憂天下自有
人寒士何者愁填臆民生政自不願材可乘以車可鞭策君不
見海南水沈紫旃檀碎身百鍊金博山豈如不蒙斧斤賞老大
絕崕霜雪閒投身有用禍所集何況四達之衢井先汲昨日青
童天上回手捧玉帝除書來一番通籍清都闕百身書名赤城
臺飛昇度世無虛日怪我短褐趨塵埃顧謂彼童子此何預人
事但對金樽卽眼開一杯引人著勝地傳聞官酒亦自清徑須
沽取續吾瓶南山朝來似有意今夜儻放春月明

寒小民貧餓可憂而又以不居其位憂亦無益故作寬解之詞也清童之辭蓋有勸以枉尺直尋致身通顯者而答以但當飲

酒詭附
謝之也

戲贈彥深

元注云李原字彥深厚之弟家居南陽

李髯家徒立四壁未嘗一飯能留客春寒茅屋交相風倚牆捫
蝨讀書策老妻甘貧能養姑甯翦髭鬣不典書大兒得飧不索
魚小兒得禪不索襦頃郎鮭菜二十七太常齋日三百餘上丁
分膳一飽飯藏神夢訴羊躉蔬世傳寒士有食籍一生當飯百
瓊菹冥冥主張審如此附郭小圃宜勤鋤蔥秧青青葵甲綠早
韭晚菘羹糝熟充虛解戰賴湯餅毛以荈釐與甘菊幾日憐槐
已著花一心呪筭莫成竹羣兒笑髯窮百巧我謂勝人飯重肉
羣兒笑髯不若人我獨愛髯無事貧君不見猛虎卽人厭麋鹿

人還寢皮食其肉濡需終與豕俱焦飫肥擇甘果非福蟲蟻無
知不足驚橫目之民萬物靈請食熊蹯楚千乘立死山壁漢公
卿李髯作人有佳處李髯作詩有佳句雖無厚祿故人書門外
猶多長者車我讀揚雄逐貧賦斯人用意未全疏

和謝公定征南謠

熙寧八年交趾入寇陷欽廉邕三州神宗以趙鼎爲招討使郭達爲宣撫使討

平之而費錢帛甚多二廣之民大困

傳聞交州初陸梁東連五溪西氏羌軍行不斷蠻標盾

標槍大盾南蠻

所執之軍器也謀主皆收漢畔亡合浦

廉州也

譙門腥血沸晉興

邕州城也

下白骨荒謀臣異時坐致寇守臣今日愧苞桑已遣戈船下灘
水更分樓船浮豫章頗聞師出三鷗路盡是中屯六郡良漢南

食麥如食玉湖南驅人如驅羊營平請穀三百萬祁連引兵九
千里少府私錢不可知大農計歲今餘幾士兵蕃馬貍虎同蝮
虵毒草簞竹中未論芻粟捐金費直愁癰癘連營空我思荊州
李太守欲募蠻夷令自攻至今民歌尹殺我州郡擇人誠見功
張喬祝良不難得誰借前筇開天聰後漢永和二年日南徼外
刺史太守募蠻夷詔書哀痛言語切爲民一洗橫尸血摧鋒陷
堅賞萬戶塹山堙谷窮三穴南平舊時頗臣順欲獻封疆請旄
節廟謀猶計病中原豈知一朝更屠滅天道從來不爭勝功臣
好爲可喜說交州雞肋安足貪漢開九郡勞臣監呂嘉不肯佩
銀印徵側持戈敵百男君不見往年瀕海未郡縣趙佗閉關罷

朝獻老翁竊帝聊自娛白頭抱孫思事漢孝文親遣勞苦書稽
首請去黃屋車得一亡十終不忍太宗之仁千古無

和答梅子明王揚休點密雲龍

武英殿聚珍本無此詩

小壁雲龍不入香元豐龍焙承詔作二月嘗新官字盡游絲不
到延春閣去年曾口減光輝人間十九人未知外家眷官小宗
伯分送蓬山裁半壁建安囊枕鷓鴣班谷簾水與月共色五除
試湯飲罍客泛甌銀粟無水脈辟宮邂逅王廣文初觀團團破
龍紋諸公自別淄澠了兔月葵花不足論石磴春芽風雪落糞
澆肺渴初不惡河伯來觀東海若鹿逢朱雲真折角子真雲孫
睡成珠廟堂只今用諸儒鍊成五石補天手上書致身可亨衢

顧我賜茶無骨相他年幸公肯相餉

送劉道純

劉格字道純劉恕道原之弟爲司馬溫公蘇東坡所知

五松山下古銅官邑居褊小水府寬民安蒲魚少豔訟簿領未

減一邱柴

道純時當爲銅陵主簿故云

胸中崢嶸書萬卷簸弄日月江湖間

稠人廣眾自神王按劍之眼白相看

謂道純劉眾人以白眼向之老

身風浪諳世味如食橘柚知甘酸麒麟圖畫偶然耳半枕百年

夢邯鄲平生樽俎宮亭上涉世忘味皆朱顏

皆朱顏謂長此時醉不省事也

阿翁謂劉尚無恙追啄秀句酬江山堂堂今爲蜺蟬去五老偃

蹇無往還大梁城中笏拄頰領髭今成雪點斑青雲何必出公

右亭衢在天無由攀椎鼓轉船如病已夢想樓臺落星灣子政

諸兒喜文史阿秤亦聞有筆端子政謂道原也諸兒曰秤丹徒布衣
未可量詩書且對藜藿盤穴中生涯識陰雨木末牖戶知風寒
我今四壁戀微祿知公未能長挂冠

次韻子瞻春菜

熙寧十年丁巳三十三歲時東坡在徐州山谷在大名始與坡通書問

北方春蔬嚼冰雪妍暖思采南山蕨韭苗水餅姑置之苦菜黃

雞羹糝滑蕈絲色紫菰首白

蕈與菰同形胡也

蕈蕒身甜燂頭辣燂音旱菜

辛辣如火生植入湯翻手成筆以薑橙誇縷抹醬雷菌子出萬

釘白鵝截掌鱉解甲琅玕林深未飄緜軟炊香杭煨短苗

萬釘

子之形鵝掌鱉甲喻菌子之萬錢自是宰相事一飯且從吾儔

色與味短苗筍之初出者說公如端為苦笋歸明日青衫誠可脫

六舅以詩來覓銅犀用長句持送舅氏學古之餘復味禪

說故篇末及之

海牛壓紙寫銀鉤阿雅守之索自收

阿雅蓋山谷之子也元注云師奴僧號守之守此故

物也索自收者將據爲己有也

長防玩物敗兒性得歸老成散百憂先生古心

冶金鐵堂堂一角誰能折兒言殼觶持贈誰外家子雲乃翁師

不著鼻繩袖兩手古犀牛兒好看取

次韻子瞻與舒堯文禱雪霧豬泉倡和

元豐元年戊午三十四歲

老農年饑望人腹

按說文望字从臣月滿也从亡望其還也莊子無聚祿以望人之腹謂無祿以滿人之腹

富取盈滿之義不取盼望之義當从臣不

想見四溟霖雨足林

从亡此云年饑望人腹蓋誤用莊子耳
回投壁負嬰兒豈聞烹兒翁不哭未論萬戶無炊煙蛛絲蝸涎

經杼軸使君閱雪無肉味閱雪用穀梁閱雨字煑餅青蒿下鹽菽豈云翦

爪宜侵肌豈云猶止霜不殺草仍故綠幽靈變蠱西山霧牲肥酒

香神未瀆得微往從董父餐得微猶云甯當罪繫葛陂淵後漢費長

房曰東海君有罪吾前繫於葛卜澤祠官齊博士齊博士指舒

披今出之使作雨於是雨立注暴露致告蒼隄顛請天行澤不汲汲爾亦枯魚過河泣二句

告龍之詞生鵝斬頸血未乾風馬雲車坐相及百里旌旗灑玉

花使君義動龍蛇蟄老農歡喜有春事呼兒飯牛理養簞博士

勿歎從公疲東坡也明年麥飯滑流匙

答王道濟寺丞觀許道甯山水圖

往逢醉許在長安蠻溪大硯磨松煙忽呼絹素翻硯水久不下

筆或經年異時踏門闔白首巾冠欹斜更索酒舉杯意氣欲翻
盆倒臥虛樽將八九醉拈枯筆墨淋浪勢若山崩不停手數尺
江山萬里遙滿堂風物冷蕭蕭山僧歸寺童子後漁伯欲渡行
人招先君笑指溪上宅鷗鷺白鷺如相識許生更拜謝不能元
是天機非筆力自言年少眼明時手揮八幅錦江絲贈行卷送
張京兆史注云張京兆疑是張乖崖心知李成是我師張公身遂銘旌去流
落不知今主誰大梁畫肆閱水盪我君槃礴忘揖客先君我君似皆指山
父谷之蛛絲煤尾意昏昏幾年風動人家壁雨雪泠泠滿寺庭四
圖冷落讓丹青笑詡肆翁十萬錢卷付騎奴市盡傾王丞來觀
皆失席指點如見初畫曰四時風物入句圖信知君家有摩詰

我持此圖二十年眼見綠髮皆華顛許生縮手入黃泉眾史弄
筆摩青天君家枯松出老翟風煙枯枝倚崩石蠹穿風物君愛
惜不誣方將有人識筆力十四句敘昔在京師見許作畫異時至非
以下至市盡傾敘許自言在蜀畫入幅山水而黃家在沐梁以
十萬錢購得也讓丹青之下一本云往來脾脫誰比數十萬酬
之觀者驚客還次第閱春夏坐見歲序空
靜噪王丞來觀歎噴噴指點如見初畫日

聽崇德君鼓琴

辛亥二十七歲○朝議大夫王之才妻南
昌縣君李氏尚書公擇之妹能臨松竹木

石等畫山谷有姨母李夫人墨
竹詩又有觀崇德君墨竹歌

月明江靜寂寥中大家斂袂撫孤桐古人已矣古樂在髣髴雅
頌之遺風妙手不易得善聽良獨難猶如優曇華時一出世閒
雨忘琴意與己意迺似不著十指彈禪心默默三淵靜幽谷清

風淡相應絲聲誰道不如竹我已忘言得真性罷琴窗外月沈江萬籟俱空七絃定

次韻答楊子聞見贈

金盤厭飫五侯鯖玉壺澆潑郎官清長安市上醉不起左右明

妝奪目精結交賢豪多杜陵桃李成蹊臥落英六句敘昔在京師宴游之盛

黃綬今爲白下令元注云太和縣古白下蒼顏只使故人驚督郵小吏皆

趨版陽春白雪分吞聲分吞聲猶云甘吞聲以其獨唱無和故甘吞聲不復道及也楊君青

雲貴公子歎嗟簿領困書生贈我新詩甚高妙淚斑枯笛月邊

橫文章不直一杯水老矣忍與時人爭江城歌舞聊得醉但願

數有美酒傾莫要朱金纏縛我陸沈世上貴無名

答永新宗令寄石耳

飢欲食首山薇渴欲飲潁川水嘉禾令尹清如冰寄我南山石
上耳筠籠動浮煙雨姿湍湯磨沙光陸離竹萌粉餌相發揮芥
薑作辛和味宜公庭退食飽下筯杞菊避席遺萍蠶雁門天花
不復憶況乃桑鵝與楮雞小人藜藿亦易足嘉蔬遺餉荷眷私
以上贊石耳之佳以下言吾聞石耳之生常在蒼岬之絕壁苔
不以石耳難得之物累民吾聞石耳之生常在蒼岬之絕壁苔
衣石腴風日炙捫蘿挽葛採萬仞仄足委骨豺虎宅佩刀買犢
劔買牛作民父母今得職閤仲叔不以口腹累安邑我其敢用
鮮菜煩嘉禾願公不復甘此鼎免使射利登嵯峨

寄張宣父

史注云張宣父當是建德人而仕於山陽時已解去

建德之國有佳人明珠爲佩王爲衣去國三歲阻音徽所種桃李民愛之射陽城邊春爛漫柳暗學宮鳥相喚追隨裘馬多少年獨忍長飢把書卷讀書萬卷不直錢逐貧不去與忘年虎豹文章被禽縛何如達生自娛樂

高至言築亭於家圃以奉親總其觀覽之富命曰溪亭乞余賦詩余先君之敝廬望高子所築不過十牛鳴爾故余未嘗登臨而得其勝處

逸人生長在林泉更築亭舉名意在明月清風共一家全以山川爲眼界鳥度雲行閱古今溪濱木末聽竽籟老夫平生行樂處只今一作許公分一派

彫陂

彫陂之水清且泚。屈爲印文三百里。呼船載過七十餘。寒囊飢
流初不記。元注云乘舟上十餘渡徒涉者不可勝記。竹輿嘔啞山徑涼。僕姑呼婦聲
相倚。簞中猶道泥滑滑。僕夫慘慘耕夫喜。窮山爲吏如漫郎。安
能爲人作嚆矢。老僧迎謁喜我來。吾以王事篤行李。知民虛實
應縣官。應縣官者供應公家之賦役也。我甯信目不信耳。僧言生長八十餘。縣
令未曾身到此。

上權郡孫承議

公家簿領如雞棲。私家田園無置錙。眞成忍罵加飧飯。不如江
西之水可樂飢。他人勤拙猶相補。身無功狀堪上府。公誠遣騎

束縛歸長隨。白鷗臥煙雨。

奉答茂衡惠紙長句

羅茂衡太和人

陽山老藤截玉肪。烏田翠竹避寒光。羅侯包贈室生白。明於機

上之流黃。愧無征南蠆尾手。爲寫黃門急就章。

征南謂索靖爲黃門

謂史游也羅侯相見無雜語。苦問瀉山有無句。春草肥牛脫鼻繩。菰

蒲野鴨還飛去。故將藤面乞伽佗。

梵語伽佗此言諷誦願草驚虵起風雨。

長詩脫紙落秋河。要知溪工下手處。卻將冰幅展似君。震旦花

開第一祖。

長句謝陳適用惠送吳南雄所贈紙

陳適用爲廬陵縣令與山谷同時作邑

廬陵政事無全牛。恐是漢時陳太邱。書記姓名不肯學。得紙無

異夏得裘琢詩包紙送贈我自狀明月非暗投詩句縱橫翦宮
錦惜無阿買書銀鉤蠻溪切藤卷盈百側釐羞滑繭羞白想當
鳴杵碓面平枕榔葉風溪水碧桃榔木廣南所出千里驚毛意
不輕瘴衣腥膩北歸客君侯謙虛不自供胡不贈世文章伯一
涔之水容牛蹄識字有數我自知小時雙鉤學楷法至今兒子
憎家雞雖然嘉惠敢虛辱糞泥續尾成大軸寫心與君心莫傳
平生落魄不問天樽前花底幸好戲爲君絕筆謝風煙已無商
頌猗那手請續南華內外篇

和答師厚黃連橋壞大木亦爲秋雹所碎之作

戊午三十四歲

溪橋喬木下往歲記經過居人指神社不敢尋斧柯青陰百尺

蔽白日。烏鵲取意。占作策。黃泉浸根。雨長集。造物蓄意固已多。
風摧電一作電打掃地。盡竟莫知爲何。譴訶獨山冷落。城東路不見指名終不磨。

上大蒙籠

乙卯晨起作元豐五年壬戌年三十八歲

黃霧冥冥小石門。苔衣草路無人迹。苦竹參天大石門。虎迹兔
蹊聊倚息。陰風搜林山鬼嘯。千丈寒藤繞崩石。清風源裏有人
家。牛羊在山亦桑麻。向來陸梁嫚官府。試呼使前問其故。衣冠
漢儀民父子。吏曹擾之至如此。窮鄉有米無食鹽。今日有田無
米食。史注云無米食當作無食米但願官清不愛錢。長養兒孫聽驅使。

追憶予泊舟西江事次韻

按山谷以元豐六年十二月移監德平鎮此詩題曰追憶當在

已離太和之後

老大無機如漢陰白鳥不去相知深往事刻舟求墜劍懷人揮
淚著亡簪城南鼓罷吹畫筒城北歸帆落晚風人煙犬吠西山
麓鬼火狐鳴春竹叢

附李才甫西江泊舟後作

江水冥冥沙石陰一舸行盡春已深浪花綠蔓曳錦帶短
蘆刺水抽玉簪飢魚未沈波面筒小舫正橫溪上風清輝
濯淨遠山碧白鳥飛入蒼煙叢

次韻郭明叔長歌

君不見懸車劉屯田屯田名漢字凝之歐騎牛澗壑弄潺湲八

十脣紅眼點漆金鍾舉酒不畱殘君不見征西徐尚書尚書徐

占分甯人與山谷同鄉死於永為國捐軀矢石閒龍章鳳姿委

樂之禍贈吏部尚書謚忠愍

秋草天馬長辭十二閑。何如高陽酈生醉落魄。長揖撥沈鷲龍。
顏丈夫當年傾意氣。安用蚓食而蝸蝓。古人已作泉下土。風義
可想猶斑斑。郭侯忠信如古人。薦書飛名上九關。詩書自可老
斷輪智略足以解。連環銅章屈宰山水縣。友聲相求不我頑。鵬
翼垂天公直起。燕巢見社身思還。鵬翼句指郭燕巢句山谷自
謂也山谷時自太和還家放
云見文思舜禹開言路。卽看承詔著冠冠。尙趨手板事直指。少
忍吏道之多艱。黃花零落一尊酒。別有天地非人寰。

奉送時中攝東曹獄掾

時中蓋太和同官將
赴廬陵郡城攝事

公退蒲團坐後亭。短日松風吟萬籟。黃葵紫菊委榛叢。雪梅靚

妝欲無對。還騎相呼近清樽。言君曉鼓前征旆。蒼崖按轡虎豹

號野水呼船風雨晦昨日歸來有行色未曾從容解冠帶府中

奪我同官良簡書趣行將數輩王事君今困馬鞍田園我亦思

牛背安得歸舟載月明鷗鷺白鷗爲友生一身不是百年物五

湖無邊萬里行欲招蓺笠同雲水念君未可及吾盟富於春秋

貌突兀睥睨滿世收功名參軍雖卑獄司命多由陰德至公卿

顛顛折頰秦相國不滿三尺齊晏嬰丈夫身在形骸外俗眼那

能致重輕晉同伙也昨日自述近狀遣騎句山谷遣人邀時中來

次韻和答孔毅甫孔平仲字毅甫嘗爲吉州錢監

鵬飛鯤化未卽逍遙游龍章鳳姿終作廣陵散湓浦鑪邊督數

錢故人陸沈心可見氣與神兵上斗牛詩如晴雪濯江漢把詠

公詩闕且開旁無知音而慙歎我今廢書迷簿領魚蠹筆鋒殊
網覘六年國子無寸功猶得江南萬家縣六年國子監訓作北
和客來欲語誰與同令人熟寐觸屏風竊食仰愧冥冥鴻少年
所期如夢中江頭酒賤樽屢空南山有田歲不逢相思夜半涕
無從千金公亦費屠龍

更用舊韻寄孔毅甫

鑒中之髮蒲柳望秋衰眼中之人風雨俱星散往者託體同青
山健者飄零不相見庾公樓上有詩人平生落筆寫河漢置驛
勤來索我詩自說中郎識元歎我方凍坐酒官曹爲公然薪炙
冰硯不解窮愁著一書豈有文章名九縣奴星結柳送文窮退

倚北窗睡松風太阿耿耿截歸鴻夜思龍泉號匣中斗柄垂天
霜雨空獨雁叫羣雲萬重何時握手香爐峰下看寒泉濯臥龍

瀘浦庾公樓香爐峰均指穀父時在江州也

寄題安福李令愛竹堂

淵明喜種菊子猷喜種竹託物雖自殊心期俱不俗千載得李
侯異世等風流為官恐是陶彭澤愛竹最如王子猷寒窗對酒
聽雨雪夏簟烹茶臥風月小僧知令不凡材自掃竹根培老節
富貴於我如浮雲安可一日無此君人言愛竹有何好此中難
為俗人道我於此物更不疏一官窘束何由到

八月十四日夜刀坑口對月奉寄王子猷子聞適用元注

郡中數月未
嘗有燕游

去年對月廬陵郡醉留歌舞踏金沙今年今夕千峰下新磨古
鑿動菱花寒藤老木被光景深山大澤皆龍蛇西風爲我奏萬
籟落葉起舞驚棲鴉遙憐城中二三友風流慣醉玉釵斜今夕
傳杯定何處應無二十四琵琶

贈王環中

丹霞不踏長安道生涯蕭條破席帽囊中收得劫初鈴夜靜月
明師子吼那伽定後一爐香梵言那伽此言龍也牛沒馬回觀六道耆域
歸來日未西一鉏識盡婆娑草

戲和于寺丞乞王醕老米

君不見公車待詔老談諧。幾年索米長安街。君不見杜陵白頭
在同谷。夜提長鑷掘黃獨。文人古來例寒餓。安得野蠶成繭天
雨粟。王家圭田登幾斛。于家買桂炊白玉。

謝文瀾元豐上文藁

虎豹文章非一斑。乳雉五色蜃胎寒。天生材器各有用。相如名
獨重。太山風流小謝宣城後。少年如春膽如斗。裕陵書藁公不
朽。持心鐵石要長久。

寄朱樂仲

故人昔在國北門。國北門謂北鄰舍杖藜對樽酒。十五餘年乃
一逢。黃塵急流語馬首。懶書愧見南飛鴻。君居三十六峰東。我

心想見故人面曉雨垂虹到望崧

次韻子瞻書黃庭經尾付選道士

成都道士寇拱宸川之葆光法師將歸廬山東

坡爲書黃庭經一卷李伯時爲畫經相贈之時山谷亦正在史局

琅函絳簡藥珠編寸田尺宅可斬仙高真接手玉宸前女下來

謁粲六妍金鑰閉欲形完堅萬物蕩盡正秋天使形如是何塵

緣蘇李筆墨妙自然萬靈拱手書已傳傳非其人恐飛鸞當付

驪龍藏九淵蹇侯奉告請周旋緯蕭探手我不眠

此句疑有誤

送曹子方福建路運判兼簡運使張仲謀

元祐三年九月太僕寺丞曹輔

權發遣福建路轉運判官

曹侯黃須便弓馬從軍賦詩橫梁閒阿瞞文武如兕虎遠孫風

氣猶斑斑昨解弓刀丞太僕坐看收駒十二閑遠方不異輦轂
下詔遣中使哀恫鰥吾聞斯民病鹽策天有雨露東南乾謝君
論河秉禹貢詰難蠶起安如山老郎不作患失計凜然宜著侍
臣冠願公不落謝君後江湖以南尙少寬百城閭人如聞馬
駕亦要知才難鹽車之下有絕足敗羣勿縱爲民殘官焙薦璧
天解顏滄湯試春聊加飧子魚通印蠟破山莆陽子魚名天下
今人必求其大可
容印者謂之不但蕉黃荔子丹道逢使者漢郎官使者謂清溪
張仲謀
弭節問平安天子命我參卿事舊髯相對亦可歡迴波一醉嘲
栲栳山驛官梅破小寒

戲贈曹子方家鳳兒

揀芽蠟茶名也入湯師子吼荔子新剥女兒頰鳳郎但喜風土樂不

解生愁山疊疊目如點漆射清揚歸時定自能文章莫隨閭嶺

三年語轉卻中原萬籟籟鳳兒當是千方侍婢末句語而變嬌音也

題韋偃馬

韋侯常喜作羣馬杜陵詩中如見畫忽開短卷六馬圖想見詩

老醉騎驢龍眠作馬晚更妙至今似覺韋偃少一洗萬古凡馬

空句法如此今誰工

和曹子方雜言

史注云曹輔字子方為太僕寺丞前集有雜言此篇亦次韻也而不

言次韻疑是先作此篇後復復易故兩存耳

正月尾垂雲如覆孟雁作斜行書三十六陂浸煙水想對西江

彭蠡湖人言春色濃如酒不見插秧吳女手冷卿小塢頗藏春

史注云外集有冷庭叟詩其序云庭叟有張侯官居柳對門注

佳侍兒因早朝而逸去疑庭叟即冷卿也風橫笛畱三弄燒燭聞琴

云張侯謂閻潛張仲謀內集答曹當

雜言詩任注亦指張侯為仲謀覆九軍盡是向來行樂事每見琵琶憶朝雲只今不舉蛾眉酒

紅牙捍撥網蛛塵曹侯束書丞太僕試說相馬猶可人照夜白

真乘黃萬馬同秣隨低昂一矢射落阜鵬雙張侯猶思在戎行

橫山虎北開漢疆冷卿智多髮蒼浪牛刀發礪思一邦政成十

綴舞紅妝兩侯不如曹子方朶頤論詩蛸毛張龜藏六用中有

光龜藏六謂首尾及四足凡六皆何時端能俱過我掃除北寺

諠書堂菊苗羹餅深注湯更碾盤龍不入香

送張材翁赴秦箴

金沙醪。春縱橫。提壺栗留催酒行。公家諸父酌我醉。橫笛送
晚。延月明。此時諸兒皆秀發。酒閒乞書藤紙滑。北門相見後十
年。醉語十不省七八。吏事衮衮談趙張。乃是樽前綠髮郎。風悲
松邱忽三歲。更覺綠竹能風霜。去作將軍幕下士。猶聞防秋屯
虎兕。只今陛下思保民。所憂邊頭不生事。短長不登四萬戶。愚
智相去三十里。百分舉酒更若爲千戶。封侯儻來爾。

送呂知常赴太和丞

元豐七年甲子

我去太和欲葺矣。呂君初得太和官。邑中亦有文字樂。惜不同
君。澗谷樂觀山千尺。夜泉落快閣六月。江風塞往尋佳境。不知

處掃壁覓我題詩看

老杜浣花谿圖引

拾遺流落錦官城故人作尹眼爲青
碧雞坊西結茅屋百花潭水濯冠纓
故衣未補新衣綻空蟠胸中書萬卷
探道欲度羲皇前論詩未覺國風遠
干戈崢嶸暗寓縣杜陵韋曲無雞犬
老妻稚子且眼前弟妹飄零不相見
此公樂易真可人園翁溪友肯卜鄰
鄰家有酒邀皆去得意魚鳥來相親
浣花江樓散車騎野牆無主看桃李
宗文守家宗武扶落日蹇驢馱醉起
願聞解鞍脫兜鍪老儒不用干戶侯
中原未得平安報醉裏眉攢萬國愁
生綃鋪牆粉墨落平生忠義今寂寞
兒呼不蘇驢失脚猶恐醒

來有新作常使詩人拜畫圖煎膠續絃千古無

奉謝劉景文送團茶

劉侯惠我大玄壁上有雌雄雙鳳跡

鵝溪水練落春雪

絕細之絹爲羅使茶如雪落也

粟面一杯增目力粟而蓋若花也劉侯惠我小玄壁自

裁半壁煮瓊糜收藏殘月惜未碾直待阿衡來說詩絳囊團團

餘幾壁因來送我公莫惜箇中渴羌飽湯餅雞蘇胡麻煮同喫

謝景文惠浩然所作廷珪墨

廷珪屬墨出蘇家麝煤漆澤紋烏華

蘇家謂蘇浩然墨也用柳高麗煤雜遺煙作之

枝瘦龍印香字十襲一日三摩挲劉侯愛我如桃李揮贈要我

書萬紙不意神禹治水圭忽然入我懷袖裏吾不能手抄五車

七古

黃庭堅

見

書亦不能寫論付官奴便當閉門學水墨灑作江南驟雨圖李

營邱人有驟雨圖

贈陳師道

陳侯學詩如學道又似秋蟲噫寒草日晏腸鳴不俛眉得意古人便忘老君不見向來河伯負兩河觀海乃知身一蠡旅床爭席方歸去秋水黏天不自多春風吹園動花鳥霜月入戶寒皎皎十度欲言九度休萬人叢中一人曉貧無置錫人所憐窮到無錫不屬天呻吟成聲可管絃能與不能安足言

戲答仇夢得承制

仇侯能騎黑鑠馬席上亦賦競病詩玄冬未霰蒼蛇臥玉山無

年天馬飢三年荷戈對搖落十倍乞第亦可縛何如萬騎出河西捕取弄兵黃口兒黃口兒指夏主乾順方幼也○秦少游作之罪至於斬將帥制監司兩蜀騷然四年而後定

和任夫人悟道

夫亡子幼如月魄摧盡蛾眉作詩客二十餘年刮地寒兒成人乃禪寂萬事新新不留故瘦藤六尺持門戶煩惱林中卽是禪更向何門覓重悟

雜言贈羅茂衡

嗟來茂衡學道如登欲與天地爲友欲與日月竝行萬物崢嶸本由心生去子之取舍與愛憎惟人自縛非天黥墮子筋骨堂

堂法窟九邱四溟同一眼精不改五官之用而透聲色常爲萬物之宰而無死生念子坐幽室爐香思青冥是謂蟄蟲欲作吾驚之以雷霆

渡河

客行歲晚非遠遊河水無情日夜流去年排堤注東郡詔使奪河還此州憶昔冬行河梁上飛雪千里曾冰壯人言河源凍徹天冰底猶聞沸驚浪

玉京軒

元注云玉京山在香港爐峯下落星寺僧開軒對之。元豐三年庚申三十六歲

蒼山其下向玉京五城十二樓鬱儀結鄰常杲杲黃庭經注云鬱儀奔日之

仙結鄰奔月之仙

紫雲黃霧鎖玄關雷驅不祥電揮掃上有千年來歸

之白鶴下有萬世不凋之瑤草野僧雲臥對開軒一鉢安巢石
飛鳥北風卷沙過夜窗枕底鯨波撼蓬島箇中卽是地行仙但
使心閑自難老

前六句賦山後六句賦軒

宮亭湖

左手作圓右手方世人機敏便可爾一風分送南北舟斟酌鬼
神宜有此江津留語同濟僧他日求我於宮亭吁嗟人蓋自有
口獨爲樂公不舉酒樂公千歲湖冥冥白茅縮酒巫送迎朱幡
卓葢來託宿不聽靈君專此屋雄鳴去隨鷗鳥飛老巫莫歌望
翁歸貝闕珠宮開水府雨棟風簾豈來處平生來往湖上舟一
官四十已包羞

山谷以乙酉生至元豐七年甲子去太和而北行拾四十一歲

靈君如願儻可

乞收此桑榆老故邱

史注引神仙樂巴一事又引高僧傳安清一事山谷似專指樂巴事

阻水泊舟竹山下

元豐三年庚申三十六歲

竹山蟲鳥朋友語討論陰晴怕風雨
丁甯相教防禍機草動塵
驚忽飛去提壺歸去意甚真柳暗花濃亦半春
北風幾日銅官縣欲過五松無主人

別蔣穎叔

蔣之奇字穎叔新法行屢爲福建通判淮東運

轉運使江淮荆湖等路發運副使此詩當在蔣爲陝西運副時也

金城千里要人豪

謂秦中

理君亂絲須孟勞文星合在天東

壁清都紫微醉雲璈

荆溪居士傲軒冕胸吞雲夢如秋毫三品

衣魚人仰首

蔣於元豐六年奏計賜三品服

不見金牛可下刀秦川渭水森長

戟方壺蓬萊冠巨鼉萬釘寶帶瑯玕席獻納論思近赭袍連營

貔虎湛如水開盡西河擁節旄何時出入諸公閒淮湖閱船今

二毛

此句疑有誤

鑿渠決策與天合

蔣在淮南始鑿泗洲支祈簪束股渠以避長淮之險

縮怒濤衣食京師看上計陛下文武收英髦春風淮月動清鑿

白拂羽扇隨輕舠下榻見賢傾禮數後車載士回風騷嘶鼻於

郢觀魚於濠小夫閤入蓋多矣幾成季咸三見逃

書石牛溪旁大石上

石牛洞在三祖山山谷寺之西北其石狀如伏牛因以爲名初李伯時畫

魯直坐石上因此號山谷道人題此詩於石上

鬱鬱窈窕天官宅諸峰排霄帝不隔六時謁天開關鑰我身金

華牧羊客羊眠野草我世閒高真聚靈思我還石盆之中有甘

露青牛駕我山谷路

何氏悅亭詠柏

澗底長松風雨寒岡頭老柏顏色悅天生草木臭味同同盛同衰見冰雪君莫愛清江百尺船刀鋸來謀歲寒節千林無葉草根黃蒼髯龍吟送日月

薄薄酒二章

並序

蘇密州爲趙明叔作薄薄酒二章憤世疾邪其言甚高以予觀趙君之言近乎知足不辱有馬少游之餘風故代作二章以終其意

薄酒可與忘憂醜婦可與白頭徐行不必駟馬稱身不必狐裘

無禍不必殺。福甘餐。不必食肉富貴於我如浮雲。小者譴訶大
戮辱。一身畏首復畏尾。門多賓客飽僮僕。美物必甚惡。厚味生
五兵。匹夫懷璧死。百鬼瞰高明。醜婦千秋萬歲同室。萬金良藥
不如無疾。薄酒一談一笑勝茶。萬里封侯不如還家。

薄酒終勝飲茶。醜婦不是無家。醕醪養生等刀鋸。深山大澤生
龍蛇。秦時東陵千戶食。何如青門五色瓜。傳呼鼓吹擁部曲。何
如春雨一池蛙。性剛太傅促和藥。何如羊裘釣煙沙。綺席象床
瑤玉枕。重門夜鼓不停撾。何如一身無四壁。滿船明月臥蘆花。
吾聞食人之肉。可隨以鞭朴之戮。乘人之車。可加以鈇鉞之誅。
不如薄酒醉眠牛背上。醜婦自能搔背痒。

巖下放言五首

史注文選陸士衡有連珠五十首山谷效其體而更其名曰放言國藩按冠鰲臺池

亭之末不用偶句嫌格之首不用韻語又不與連珠體相合此體篇無定句句無定字蓋雜言之類耳

釣臺

林居野處而貫萬事花落鳥啼而成四時物有才德水爲官師
空明湛羣木之影搏擊下諸峰之巖游魚靜而知機君子樂而
忘歸

冠鰲臺

石生涯於寒藤藤藹迺於岬樹鰲插翼而成鵬隘六合而未翬
我來兮自東攀桂枝兮容與倚嵌巖兮顧同來謂公等其皆去

池亭

水嬉者游魚林樂者啼鳥志士仁人觀其大薪翁筍婦利其小有美一人獨燕居萬物之表

博山臺

石蘊璵璠山得其來之澤木無犧象天開不材之祥屹金爐之
突兀其山海之來翔然以明哲之火熏以忠信之香俯仰一時
非智所及付與萬世其存者長

靈椿堂

蒼苔古木相依澗壑之濱黃葛女蘿自致風雲之上人就陰而
息迹鳥投莫而來歸水影林光常相助發溪聲斧響直下稱提

題章和甫釣亭放言

元豐六年癸亥

斬木開亭卻倚石壁寒潭百雷古木千尺觀魚樂而相忘聽鳥啼而自得去而京洛之間數年猶常夢嶺巖之石

贈元發弟放言

虧功一簣未成邱山鑿井九階不次水澤行百里者半九十小狐汔濟濡其尾故曰時乎時不再來終終始始是謂君子

二十八宿歌贈別無咎

虎剥文章犀解角食未下亢奇禍作藥材根氏罹斲掘蜜蟲奪房抱飢渴有心無心材慧死人言不如龜曳尾有心謂虎犀與蜜無心謂藥材同一衛平哆口無南箕斗柄指曰江使噫神龜爲江使漁者豫死也衛平知之見史記龜策傳無南箕云者謂衛平之日更衛平而知之見史記龜策傳無南箕云者謂衛平之日更狐腋大於南箕也此二句言神龜以慧而死與上六句同意

牛衣同一爨高邱無女甘獨宿虛名挽人受寶禍累禁既危安
處我室中凝塵散髮坐四壁蕭蕭見天大奎帝曲隈取脂澤婁
豬艾緞彼何澤傾腸倒胃得相知貫日食昂終不疑古來舉命
黃金臺佩君一言等薺艸薺艸等薺艸也謂薺艸也月沒參橫惜相違秋風
金井梧桐落故人過半在鬼錄柳枝贈君當馬策歲晏星回觀
盛德張弓射雉武且力此二句不白鷗之翼沒江波抽絃去軫
君謂何

壽聖觀道士黃至明開小隱軒太守徐公爲題曰快軒庭
堅集句詠之

金華牧羊兒

太白古風

一粒粟中藏世界

呂洞賓

使君從南來

羅敷清

風明月不用一錢買太白襄陽歌盧鵲杓鸚鵡杯同上一杯一杯復一

杯太白山對酌玉山自倒非人推襄陽歌廬山秀出南斗傍太白廬山謠登

高送遠形神開銀河倒挂三石梁廬山謠硤崖轉石萬壑雷太白蜀道

難吟詩作賦北窗裏太白寒夜獨酌安得青天化作一張紙長鯨白齒

若雪山太白送寶明府我願因之寄千里

再和公擇舅氏雜言

外家有金玉我躬之道術有衣食我家之德心使我蟬蛻俗學
之市烏哺仁人之林養生事親汔師古炊玉爨桂能至今歲莫
三十裘食口三百指寒不緝江南之落毛飢不拾狙公之橡子
平生荆雞化黃鵠今日江鷗作樊雉人言無忌似牢之挽入書

林觀文字

以上感其敦養之德
以下專謝其贈研

更蒙著鞭翰墨場贈研水鷺珪

玉方蓬門繫馬晚色淨茅檐垂虹秋氣涼
湔拂垢面生寒光漢

隸書呂規其陽呂翁之治與天通不但澄泥燒鉛黃初疑蠻溪

水中骨不見鵲鵲目突兀但見受墨無聲松花發頗似龍尾琢

紫煙不見羅縠紋粼粼但見含墨不泄如寒淵往在海瀕時晨

夕親几杖恪居有官次邁更固無恙撫摩寶泓置道山鬱鬱秀

氣似舅眉宇閒其重可以回躁進之首其溫可以解橫逆之顏

烏虬端是萬乘器紅絲潭石之際知才難潭石之際知才難

奉送周元翁鎮吉州司法廳赴禮部試

周濂溪二子壽嵩
壽宇季老後收元

翁壽字通老後收次翁元翁於元豐

五年登第此詩送其赴禮部試也

人

少

卷一

七

黃庭堅

集

江南江北木葉黃。五湖歸雁天雨霜。繫船湓城秣高馬。客丁結束女縫裳。賈書登名徹未央。不比長卿薄游梁。南山霧豹出文章。去取公卿易驅羊。與君初無一日雅。傾蓋許子如班揚。因拘官曹少相見。忽忽歲晚稼滌場。一盃僚友喜多在。謝守不見空澄江。澄江如練明橘柚。萬峰相倚摩青蒼。莫堂醺醺客被酒。豔歌聒醉燭生光。椎鼓發船星斗白。明日各在天一方。塞鴻滿枝二喬宅。樽前顧曲憶周郎。鱸魚斫膾蔗爲漿。恨君不留誰與嘗。殿前春風君射策。漢庭諸公必動色。故人若問黃初平。將作金華牧羊客。

送昌上座歸成都

崇寧元年壬午五十八歲

昭覺堂中有道人

昭覺寺在成都道人常是圓悟禪師克勤也崇寧初歸蜀住昭覺寺龍吟虎嘯

隨風雲雨花經席冷如鐵一滕日轉十二輪寶勝蓬蒿荒小院

埋沒醯羅三隻眼

梵語摩醯首羅此云大自在

箇是江南五味禪更往參尋

莫擔板

題杜紫淵叟冥鴻亭

元豐六年癸亥三十九歲

少陵杜鴻漸頗薰知兒香風流有諸孫結屋廬山陽藉交游俠

窟獵豔少年場光怪驚鄰里收身反摧藏江湖拍天流羅網蓋

稻梁安能衍衍飽遂欲冥冥翔畏影走萬里不如就陰涼亭東

亭西渺煙水稻田衲子交行李古靈菴下倚寒藤莫向明窗鑽

故紙

已上外集

臨河道中

以下別集

村南村北禾黍黃
穿林入塢歧路長
據鞍夢歸在親側
弟妹婦女笑兩廂
甥姪跳梁暮堂下
惟我小女始扶牀
屋頭撲棗爛盈斗
嬉戲喧爭挽衣裳
覺來去家三百里
一圍兔絲花氣香
可憐此物無根本
依草著木浪自芳
風煙雨露非無力
年年結子飄路傍
不如歸種秋柏實
他日隨我到冰霜

伯時彭蠡春牧圖

元祐三年
祕書省作

岳陽樓上春已歸
湖中鴻雁拍波飛
布帆天闊隨鳥道
石林風晚吹人衣
春水初生及馬腹
浮灘欲上西山麓
遙看絕嶺秀雲松
上有垂蘿暗谿谷
沙眠草嚙性不驕
側身注目鳴相招
林間

驚過星燦燦原上獨立風蕭蕭君不見中原真種胡塵沒南行
市骨何倉卒祇收力健載征夫向時危辨奇骨卽今賁馬西
北來東西坊監屯雲開紛然驚驥同一秣爾可不憂四蹄脫

觀劉永年團練畫角鷹

元祐三年
祕書省作

劉侯才勇世無敵愛畫工夫亦成癖弄筆掃成蒼角鷹殺氣稜
稜動秋色爪拳金鉤觜屈鐵萬里風雲藏勁翮兀立槎枒不畏
人眼看青冥有餘力霜飛晴空塞草白雲垂四野陰山黑此時
軒然盍飛去何乃嶮岼立西壁祇應眞骨下人世不謂雄姿醜
粉墨造次更無高鳥喧等閑亦恐狐貍嚇旁觀未必窮神妙乃
是天機貫胸臆瞻相突兀摩空材想見其人英武格傳聞揮毫

頗容易持以與人無甚惜物逢真賞世所珍此畫他年恐難得

戲用題元上人此君軒詩韻奉答周彥公起予之作病眼

皆花句不及律書不成字元符二年
戒州作

北道沈羶多歷年喜君占斗斲龍泉我學淵明貧至骨君豈有
意師無絃瀟灑侯王非爵命道人胷中有水鏡霜鍾堂下月明
前枝枝雪壓如懸磬敝帚不掃舍人門如願不謁青鴻君來聽
道人寫風竹手弄霜鍾看白雲平生竊聞公子舊今日誰舉賈
生秀未知東帛何當來但有一筇相倚瘦欲截老龍吟夜月無
人處爲江山說中郎解賞柯亭椽玉局歸時君爲傳

元師自榮州來追送予於瀘之江安綿水驛因復用舊所

賦此君軒詩韻贈之竝飭元師從弟周彥公

建中靖國元年戎州

作

歲行辛巳建中年諸公起廢自林泉王師側聞陛下聖抱琴欲
奏南風絃孤臣蒙恩已三命望薨如日開金鏡但憂衰疾不敢
前眼見黑花耳聞磬豈如道人山鏡門開軒友此歲寒君能來
作詩賞勁節家有曉事楊子雲簾龍森森新開舊父翁老蒼孫
子秀但知戰勝得道肥莫問無肉令人瘦是師爵中抱明月醉
翁不死起自說竹影生涼到屋椽此聲可聽不可傳

十八家詩鈔卷十六

善化黃維申襄校